


1600

I
D



n
r
2
b
e
c
3
4
1
1
c
1
1

Er
9

C. C. R.
D. V.
IOANNIS LV.
DOVICI VIVIS VA-
LENTINI AD SAPIEN-
tiam introductio.



ERA SAPIEN-
tia est, de rebus in-
corruptè iudicare, ut
talem vnamquamque
existimemus, qualis
ipsa est, ne vilia secte-
mur tanquam precio-
sa, aut preciosa tan-
quam vilia reijcia-
mus, ne vituperemus laudanda, neque laudemus
vituperanda.

2. Hinc enim error omnis in hominum menti-
bus ac vitium oritur, nihilq; est in humana vita
exitabilius, quàm deprauatio illa iudiciorum,
cum rebus non suum precium redditur.

3. Quocirca perniciose sunt vulgi opiniones,
quæ stultissimè de rebus iudicant.

4. Magnus erroris magister, populus.

5. Nec aliud magis laborandum est, quàm re
sapientie studiosum à populari sensu abduca-
mus, & vindicemus.

6. Primum omnium suspecta illi sint, quacumq;
multitudo magno consensu approbat: nisi ad il-
lorum normam reuocarit, qui singula virtute
metiuntur.

Ertaum Camald. C. 2. L. in 79 Mc-
Wigrensi ex Legato J. Agathangel

I N T R O D U C T I O

7. *(Assuescat vnusquisq; iam tum à puero veras habere de rebus opiniones, quæ simul cum ætate adolescant.)*
8. *Et ea cupiat quæ recta sint, fugiat quæ praua: vt assuefactio hæc bene agere vertat ei prope in naturam, vt non possit, nisi coactus & reluctans ad male agendum pertrahi.*
9. *(Eligenda est optima vitæ ratio: hanc consuetudo incundissimam reddet.)*
10. *Tota reliqua vita ex hac puerili educatione pendet.*
11. *Ergo in curriculo sapientiæ primus gradus est ille, veteribus celebratissimus, Seipsum nosse.*

D I V I S I O R E R V M.

12.

HO M O. ex corpore constat & animo. Corpus habemus ex terra, & his elementis, quæ cernimus ac tangimus, corporibus bestiarum simile.

13. *(Animum diuinitus datum, angelis & Deo similem, vnde censetur homo, & qui solus meritò esset homo appellandus, vt maximis viris placuit.)*
14. *(In corpore sunt forma, sanitas, firmitas, integritas, robur, celeritas, delectatio: & his contraria, deformitas, morbus, mutilatio,*

imbe-

AD SAPIENT.

imbecillitas, tarditas, dolor, & alia corporis seu commoda, seu incommoda.

15. In animo eruditio, & virtus: & contraria, ruditas, vitium.

16. Extra hominem sunt, diuitiae, potentia, nobilitas, honores, dignitas, gloria, gratia: & contraria his, paupertas, inopia, ignobilitas, vtilitas, dedecus, obscuritas, odium.

RERVM NATVRAE

AC PRECIA.

17.

REGINA & princeps rerum omnium praestantissima est virtus, cui reliqua omnia si suo velint officio defungi, ancillari oportet.

18. Virtutem voco, pietatem in Deum & homines, cultum Dei & amorem in homines, voluntatemq; benefaciendi.

19. Reliqua si quis ad virtutem hanc referat, non mala videbuntur.

20. Nec qui primum haec nuncupauere bona, sic de illis senserunt, ut nunc vulgus, quod veros illos ac naturales significatus corrumpit, unde & rerum aestimationes mutatae sunt.

21. Sic enim sunt intelligenda haec, quatenus censentur bona. Diuitiae sunt non gemmae, aut metalla, non magnifica aedificia, vel supellex instructa, sed non ijs carere, quae sunt ad tuendam vitam necessaria.

INTRODUCTIO

22. Gloria, bene audire de virtute.
23. Honor, veneratio ob virtutem.
24. Dignitas, recta hominum opinio de magna virtute.
25. Potentia & regnum, habere multos, quibus probè ac rectè consulas.
26. Nobilitas, excellentia actuum esse cognitum, vel à bonis progenitum similem parentum se præbere.
27. Generosus est ad virtutem à natura optimè compositus.
28. Sanitas, talis habitudo corporis, ut valeat mens.
29. Species, lineamenta corporis, quæ animum formosum ostendant.
30. Vires & robur, ut exercitijs virtutis sufficias, ne facile defatigeris.
31. Voluptas, delectatio pura, solida, & diuturna, qualis capitur ex ijs solis, quæ ad animum pertinent.
32. Si quis hæc aliter, ut à populo videlicet intelliguntur, discutiat ac expendat, reperiet ineptas, vana, noxia esse.
33. Primum, externa omnia vel ad corpus referuntur, vel ad animum, ut diuitiæ ad tuendam vitam, honor ad iudicium virtutis.
34. Corpus ipsum nihil aliud est, quam tegumentum, vel mancipium animi, cui & natura & ratio & Deus ipse iubent subiectum esse, ut bru-

et brutum sentienti, mortale immortalī ac diuino.

35. Porro in ipso animo eruditio in hoc paratur, ut cognitum vitium facilius fugiamus, cognitam virtutem facilius persequamur, teneamusq;: alioqui superuacanea est.

36. Quid aliud est vita, quam peregrinatio quadam, tot vndiq; casibus obiecta et petita? cui nulla hora non imminet finis, qui potest leuissimis de causis accidere.

37. Quare stultissimum est, cupiditate tam incerte vitæ fædum aliquid aut prauum agere.

38. Et quemadmodum in via, sic in vita, quod quis expeditior et paucioribus sarcinis implicitus, hoc leuius et iucundius iter facit.

39. Tum natura humani corporis ita constituta est, ut paucissimis egeat, ut si quis animaduertat, haud dubie insanie damnet eos, qui tam anxie congerunt, quum sit tam paucis opus.

40. Diuitia namq; et possessiones, et vestimenta in vsum tantum parantur, quem non adiuvant immensa opes, sed opprimunt, ut nauem ingentia onera.

41. Nec aurum, si non vtare, à cæno differt, nisi quod angit magis eius custodia, et efficit, ut dum huic vni studes, ea negligas, quæ maxime sunt homini curanda.

INTRODUCTIO

42. Est enim pecunia idolorum seruitus, cuius ei reliqua posthabentur, nempe pietas & sanctum.

43. Ut transeam, quot insidiae diuitijs tenduntur, quot & quam varijs casibus pereunt, in quam multa vitia detrudunt?

44. Culta vestimenta quid aliud sunt, quam superbiae instrumenta?

45. Utile indumentum excogitauit necessitas, preciosum luxus, elegans vanitas: suborta est in vestitu contentio, hac multa docuit superuacanea & damnosa, dum etiam homines ex eo, quod infirmitatem nostram arguit, honorem captant.

46. Ita diuitiarum pars maxima, aedificia, supellex numerosa & opulenta, gemmae, aurum, argentum, ornamentorum omne genus, spectantium oculis & comparantur & exponuntur, non possidentium vsibus.

47. Iam nobilitas quid est aliud, quam nascendi fors & opinio, à populi stulticia inducta? ut quae saepenumero latrocinijs quaritur?

48. Vera & solida nobilitas à virtute nascitur: stultumque est, gloriari te parentem habuisse bonum, quum sis ipse malus, & turpitudine tua dedecori sis pulchritudini generis.

49. Sed certe omnes ex eisdem constamus elementis, & idem omnium pater Deus.

50. Igno-

50. Ignobilitatem contemnerc, hoc est, Deum nascendi autorem tacitè reprehendere.

51. Potentia quid est aliud, quàm speciosa molestia? in qua si quis sciret, quæ sollicitudines, quæ anxietates insint, quâ tum malorum mare, nemo est tam ambitiosus, qui non eam fugeret, ut gravem miseriam.

52. Quantum est odium, si regas malos? quanto maius, si malus ipse?

53. Honor si ex virtute non oritur, praeus est: sin ex virtute, hoc praestat virtus, ut is negligatur: aliter verò non erit virtus, si quid honoris facit gratia: sequi enim debet honor, non expeti.

54. Dignitates, quis potest sic appellare, cum indignissimis quoq; hominibus contingant, nempe fraude, ambitione, praemijs, pessimis artibus quasita?

55. Et gloria, est ne aliud, quàm (ut ille dixit) aurium vana inflatio?

56. Ex qua, ut honore & dignitate, nihil omnino ad eam pertingit, de quo sunt, & incertae, vae, iniquae, momentaneae sunt, similes parentis suae multitudinis, quae eodem die eundem hominem & commendat atq; euehit summè, & vituperat ac deprimat extremè.

57. Quid dicam nasci ex his rebus partim deridendis, partim stultis, partim sceleratis, sicut ludo pilae, profusione patrimonij in commessa-

INTRODUCTIO

tionones, surras, mimos? bello potissimum, hoc est, impunito latrocinio, quo magis vulgi dementiam agnoscas?

58. Secedat in se unusquisque, ac solus cogitet, inueniet, quàm parum ad se attingat ex fama, rumoribus, veneratione, honore populi, de quibus gloriatur!

59. Quid in somno, quid in solitudine inter summum regem interest, & infimum seruum?

60. Deniq; unusquisq; sic sentiat, nobilitatem, honores, potentiam, dignitates, ex prisca hominum persuasione, quam Christus animis suorum ademit, nata & relicta esse, & in Christianos homines inuecta, tanquam lolium, quod hostis Diabolus aspersit bonæ segeti Dei.

61. *in* *enigra* In corpore ipso quid est forma? nempe cuticula bene colorata, si *in* *enigra* ~~intelligi~~ *cerni* possent, quanta vel in corpore speciosissimo cerneretur fœditas?

62. Lineamenta & corporis decor quid inuuant, si turpis sit animus, & sicut Græcus ille dixit: In hospitio pulchro hospes deformis?

63. *D. 99* *nerla* *whg* Robur quorsum pertinet in homine, cum res maxima & homine dignæ, non viribus nervorum gerantur, sed ingenij?

64. Nec vires, quantumcunque augeantur, maiores erunt, quàm tauri & elephanti: ratione illos, ingenio, virtute superamus.

65. Transeo, quod forma, vires, agilitas, & cate-

A D S A P I E N T.

cætera corporis dotes, vt flosculi celeriter marcescunt, exiguis casibus diffugiunt: vel vna febricula validissimum quandoq; hominem concutit, & summum decorem tollit.

66. Ut nihil accadat, certe necesse est illa omnia cum ætate flaccescere, ac decidere.

67. Nemo ergo potest externa iure sua dicere, quæ tam facile ad alios transeunt: nec corpora, quæ tam citò auolant.

68. Quid? quod hæc, quæ multi admirantur, magnorum viciorum sunt causæ: velut insolentie, arrogantie, socordie, ferocitatis, liuoris, emulationis, simultatum, rixarum, bellorum, cædis, stragis, cladis.

69. Delectatio corporis, vt corpus ipsum, vilis ac pecudinea est, qua sapius, ac vehementius & diutius pecora, quam homines perfruuntur.

70. Ex hac cum morbi plerique ad corpus redundant, & ad rem familiarem per magna damna: tum ad animum certa pœnitentia, & hebetudo ingenij, quod delicijs corporis extenuatur, ac frangitur: denique odium virtutum omnium.

71. Nec apertè frui licet: nam vt dedecent generositatem nostræ mentis: ita nemo tam perditus est, quin eas erubescat apud arbitros capere: pariunt enim ignominiam, iccirco tenebras & latebras quærunt.

72. Quid? quod sint fugacissima, & momen-

tanea.

I N T R O D U C T I O

tanca, nec retineri vlla vi possunt, nec vnquam veniunt pura, cuiuscunq; amaritudinis expertes?

73. ~~Ergo~~ exclusis vulgi sensibus, maximum malum putato, non paupertatem, aut ignobilitatem, aut carcerem, aut nuditatem, ignominiam, deformitatem corporis, morbos, imbecillitatem: sed vicia, & his proxima, inscitiam, stuporem, dementiam.

74. Magnum bonum credito horum contraria, virtutem, & qua huic sunt finitima, peritiam, acumen ingenij, sanitatem mentis. /

75. Reliqua vel externa, vel corporis, si habes, proderunt tibi ad virtutem relata, oberunt ad vicia. Si non habes, caue ne quaras, vel cum minimo dispendio virtutis.

76. Prolixus quasi est, pietas cum sufficientia. Fama, tametsi nihil agendum est, vt videaris, conseruanda tamen est integra, quod interdum ea cura à multis nos turpibus cohibet, sed precipue in exemplum ceterorum.

77. Unde praeceptum illud sapientum & sanctorum virorum: nec malum faciendum, nec eius simile.

78. Quod si hoc assequi non possumus, conscientia debemus esse contenti: & cum tam deprauati erunt hominum sensus, vt quæ sunt optima, putent esse scelestissima: tunc laborandum erit, vt interna & externa soli Deo approbentur, idq; abunde nobis sufficiat.

79. Et-

AD SAPIENT.

79. Etiam mala, quæ dicuntur corporis, vel fortuna, licebit in bonumvertere, si patienter feras: & tanto sis ad virtutem promptior, quominus tibi in illis succedit, ac proinde es expeditior.

80. Sape numero ex damnis corporis vel externorum magna sunt accessiones virtutibus nata.

DE CORPORE.

81.

ET quoniam in hac nostra peregrinatione animum gestamus in corpore inclusum, maximasq; opes in vasis fictilibus: non omnino repudiandum nobis est, & contemnendum corpus.

82. Sic curandum tamen, ut se non dominum, non socium esse sentiat, sed mancipium: nec sibi nasci, aut vivere, sed alteri.

83. Quo curatius est corpus, hoc animus neglectior.

84. Quo mollius habetur corpus, hoc acrius menti reluctatur: & ut equus delicate passus, fessorem excutit.

85. Grauis sarcina corporis animum elidit, acumen ingenij sagina corporis aut indulgentia retunditur.

86. Cibi, somni, exercitationes, tota corporis curatio ad sanitatem referenda est, non ad volu-

I N T R O D U C T I O

voluptatem: vt animo promptè inferuiat, nec ferocia cultus insoleſcat, neu virium inopia decidat.

87. Nihil eſt, quod aequè & vigorem mentis debilitet, & robur ac nervos corporis infringat, vt voluptas: quippe vires omnes & corporis & mentis opere & labore vegetantur, ocio & mollicie voluptatis languſcunt.

88. Mundicies corporis & viſus citra delicias aut moroſitatem, ad valetudinem & ingonium confert.

89. Solues ſubinde manus & faciem frigida, detergesq; mundo linteolo.

90. Repurgabis crebrò eas partes, quæ ſordibus & recrementis ad extrema corporis meatus præbent.

91. He ſunt, caput, aures, oculi, nares, axillæ, & ſudenda.

92. Pedes mundi & calidi ſoneantur.

93. Arceatur ſignus cum ab alijs partibus, tum vel maximè à ceruice.

94. Ne ſtatim edas à quiete, nec ante prandium, niſi tenuiter.

95. Tentaculum enim ſedando ſtomacho, aut refocillando datur corpori, non ſatietaſi.

96. Ideo tres aut quatuor panis buccæ ſufficiunt, ſine portione, aut certè exigua, atq; ea tenui. Salutare hoc nō min⁹ ingenio, quàm corpori.

97. In prandio & cœna aſſueſce non veteri,
niſi

AD SAPIENT.

nisi ex vno obsonij genere, eodem simplicissimo,
& quantum per facultates licebit, saluberrimo,
quamuis multa mensæ inferantur, & si tua sit
mensa, noli admittere.

98. Varietas ciborum homini pestilens, pesti-
lentior condimentorum.

99. Munda & pura parsimonia, temperatis
& castis animis congruens, conservatrix rei fa-
miliaris: & quæ sola efficit, ne multis indigere
nobis videamur, nec suscipiamus pessima faci-
nora questus gratia, quod gula moram geramus
irritata vel luxu, vel lauticijs, vel delicatis ni-
mium & exquisitis cibis.

100. Tum præstat, ut quæ essunt non modo
nobis sufficiant, sed ex eis liceat egentibus im-
pertiri.

101. Ostendit hoc Dominus exemplo sui, qui
post exaturatam multitudinem, reliquias perire
panum & piscium non est passus.

102. Natura necessaria docuit, quæ sunt pau-
ca, & parabilia. Stultitia superflua excogita-
vit, quæ sunt infinita & difficilia.

103. Natura si des necessaria, delectatur &
roboretur, tanquam proprijs, sin superflua, de-
bilitatur, & affligitur, tanquam alienis.

104. Stultitiam necessaria non explent: su-
perflua quum obruant, non satiant.

105. Potus erit, vel naturalis ille uniuersis
auuantibus in commune à Deo paratus, pura
&

I N T R O D U C T I O

Et liquida aqua, vel tenuissima cereuisia, vel vinum bene dilutum.

106. Nihil est, quod iuuenum corporibus magis officiat, quam calidus cibus, aut potus: incendit enim *Et* urit eorum viscera, agitque in libidinem *Et* temeritatem praecipites.

107. *A calida ne hibe:* aut si id admonet sitis sume humidum aliquid *Et* frigidiusculum, aut perpusillum tenuis potiuncula.

108. Inter eam potionem *Et* quietem interpone cum minimum horae dimidium.

109. Leuaturus animum, fac cogites, quam exiguum tempus datum sit vitae hominum: ex illo non oportere multum descindi ad lusus, ad commestationes, ad puerilitates, ad ineptias.

110. Breue spacium esse vitae nostrae, etiamsi totum bona menti impenderetur.

111. Non esse nos à Deo creatos ad lusum, aut ad nugas, sed ad seria, ad moderationem, modestiam, temperantiam, religionem, omne genus virtutis *Et* laudis.

112. Morbos corporis morbis animi ne curaueris.

113. Exercitationes corporis non erunt immedicae, ceterum aptanda rationi valetudinis, in quo sequenda erunt medicinae consultorum consilia.

114. Sic tamen ne quid habeant turpe, immodestum, obscenum, flagitiosum: etiã in remissioni-

si
mo
115
uia
anu
si
dub
116
na
tus
dur
ta,
117
quo

I
tur
pro
De
stan
119
bru
in q
tur
gan

A D S A P I E N T .

sionibus & refectiōibus animi adsit aliqua memoria virtutis.

115. Absit arrogantia , contentio , rixa , inuidia , cupiditas. Quid enim conuenit cruciare animum, dum delectare studes? non aliter quàm si mel infundas in id mel , quod cupis esse quàm dulcissimum).

116. Somnus sumendus est tanquam medicina quadam curando corpori, tantummodo quantum sufficit: immodicus enim reddit corpora redundantia noxijs humoribus, segnia, pigra, lenta, & celeritatem mentis tardat.

117. Nec est existimandum vitæ id tempus, quod somno impenditur: vita enim vigilia est.

D E A N I M O .

118.

IN animo duæ sunt partes: illa quæ intelligit, meminit, sapit, ratione, iudicio, ingenio vititur, ac valet: hæc pars superior appellatur, & proprio nomine, mens, quæ homines sumus, quæ Deo similes, quæ cæteris animantibus præstamus.

119. Est altera ex coniunctione corporis bruta, fera, atrox, bestia quàm homini similior, in qua sunt motus illi, qui siue adfectus siue perturbationes nominantur, Græcè πάθη, arrogantia, inuidia, maleuolentia, ira, metus

B maior

I N T R O D U C T I O

mæror, cupiditas, stulta gaudia. Pars inferior nominatur etiam animus, qua nihil à beluis differimus, & quàm longissimè discedimus à Deo, extra morbum & perturbationem omnem posito.

120. *Hic est naturæ ordo, vt sapientia regat omnia, pareant homini cætera, quæ videmus: in homine verò corpus animo, animus menti, mens Deo. Si quid hunc ordinem egreditur, peccat.*

121. *Ergo peccatum est, in homine perturbationes illas tumultuari, seuire, ac trahere ad se ius & ditionem totius hominis spreta & contempta mente, mentem etiam relictâ Dei lege, animo & corpori seruire!*

D E E R V D I T I O N E.

I 2 2.

Idcirco menti indita est vis intelligendi, vt singula expendat, sciatq; quid factu bonum sit, quid secus, & vis volendi summa, vt imperio huius nihil sit in animo, quod non pareat, si illa contendat, nec de iure decedat suo.

123. *Ingenium multis artibus, & humanis, & diuinis excolitur, & acuitur, instruiturque magna & admirabili rerum noticia, quo exactius singulorum naturas & precia cognoscat: possitque voluntatem docere, quid sequendum bonum*

A D S A P I E N T.

bonum, quid vitandum malum.

124. Igitur fugiendæ artes illæ, quæ cum virtute pugnant, quales sunt diuinatrices omnes, quæ à Græcis *μαρτήραι* dicuntur, vt chiromantia, pyromantia, necromantia, hydromantia, etiam astrologia, in quibus est plurimum exitiabilis vanitatis, excogitatæ ab impostore nostro Diabolo.

125. Tractantque & profitentur id, quod sibi vni Deus reseruauit, futurarum & abstrusarum peritiam.

126. Nec inquirendum in Dei maiestatem & arcana, à cogitatione nostra procul remota, à quibus Deus hominem arcuit.

127. Qui scrutatur maiestatem, opprimetur à gloria.

128. Et Paulus iubet nos non plus sapere, quàm oporteat, sed sapere ad moderationem. Hebraeus quoque concionator inquit: *Altiora te ne quasieris, & fortiora te ne scrutatus fueris: sed quæ præcepit tibi Deus, illa cogita semper, & in pluribus operibus eius ne fueris curiosus.*

129. Et arcana illa quæ vidit, negat licere homini eloqui.

130. Vitanda ars omnis à Dæmone tradita, cum quibus velut Dei hostibus nullum debet nobis esse commercium.

131. Nec expedit vel Philosophorum, vel

I N T R O D U C T I O

hæreticorum opiniones , pietati nostræ contrarias cognoscere, ne quem scrupulum subtilis artifex Diabolus in animos nostros inijciat, qui nos nimium torqueat , etiam abducatur in exitum.

132. Non attingendi auctores spurci , ne quid sordium animo ex contagio adhæreat.

133. Corruptunt bonos mores colloctiones malæ.

134. Reliqua eruditio munda est, & frugifera, referatur modo ad suum scopum , virtutem, hoc est, recte agere.

135. Est diuina eruditio à Deo tradita , in qua sunt thesauri omnes scientiæ & sapientiæ reconditi : hæc est vera mentium lux : reliqua omnia ad hanc collata , densissimæ sunt tenebræ , & vt res hominum ludicra & puerilis.

136. Legitur tamen vel in hoc , quo tanquam ex cōpāratiōe fulgentior appareat nostra lux.)

137. Tum vt testimoniis hominum aduersus eos vtamur , qui diuinis parum acquiescunt , vt viciosi oculi auersantis solis splendorem.

138. Ad nos quoque commonefaciendos, quum in multis gentium tanta præstantia fuerit virtutis , quantum esse conuenit in homine Christiano, discipulo magistri Dei, cui ex luce pietatis, quam proficitur , magna est imposita necessitas bene viuendi.

139. Suppeditant quoque facundiam & vsum,

A D S A P I E N T.

ac prudentiam vite communis, quibus nonnihil interdum indigemus.

140. Tribus velut instrumentis fabricamur eruditionem, ingenio, memoria, cura.

141. Ingenium exercitatione acuitur.

142. Memoria excolendo augetur.

143. Utrunque enervant delicia, bona valetudo confirmat, ocia & diuturnæ remissiones profligant, excitamenta ad manum & in promptu ponunt.

144. (Siue legis ipse quid, siue audis, attentus id fac, nec vagetur mens tua, sed coge illam ibi esse, & agere quod adest, non alia.

145. Si incipit digredi, paruo murmure eam reuoca, cogitationes omnes à studijs alienas in aliud tempus differ.

146. Scito te operam & tempus perdere, si quæ legis, vel audis non attendas.)

147. Quæ ignoras, ne pudeat quærere: Ne erubescas à quous doceri, quod maximi viri non erubuerunt; erubescas potius ignorare, aut nolle discere.

148. Quæ ignota sunt, ne iactes te scire, sciscitare potius ab ijs, quos scire credis.

149. Si videri vis doctus, da operam vt sis, nulla est compendiosior via, quemadmodum non alia ratione facilius consequeris, vt existimeris bonus, quàm si sis talis.

150. Denique quicquid videri cupis, fac

INTRODUCTIO

ut sis, aliter frustra cupis)

151. *Falsa tempus infirmat, vera corroborat.*

152. *Nulla simulatio diuturna.*

153. *Magistrum semper sequere, noli præcurrere, & illi crede, ne repugna.*

154. *Ama illum, & parentis loco habe, putaq; verissima & certissima esse, quæcunq; dicit.*

155. *Attende, ne quod semel errasti, emendatus iterum aut tertio, idem pecces, labora, ut proficiat emendatio)*

156. *Illorum decet te præcipuè meminisse, in quibus falsus es, ne te rursum decipiant.*

157. *Cuiusvis hominis est errare: nullius, nisi insipientis, perseverare in errore.*

158. *Scito nullum esse sensum, per quem promptius docemur, quàm auditum.*

159. *Et nihil facilius, quàm audire multa, & nihil vtilius)*

160. *Nec satis leuia, aut inepta, aut ridicula audire, quàm seria, grauia, prudentia.*

161. *Pari labore vtraq; discuntur, cum sit addeò commodum dispar.*

162. *Ne labores, quàm multa respondeas, sed quàm aptè & in tempore.*

163. *Prandio tuo & cæna illos adhibe; qui te possint instituere, quique suavi ac docta collo-
cutione pariter & exbilarent te, & peritiorem reddant.*

164. *Scur-*

A D S A P I E N T.

164. *Scurras, parasitos, imperitè loquaces, aut spurcios moriones, nugatores, bibaces, & id genus hominum, aptum ad risum mouendum vel verbis, vel facili, nec honore mensæ tuæ digneris: nec illi te, dum reficeris, oblectent: potius iucunda aliqua & ingeniosa confabulatio.*

165. *Non os modo à turpibus cohibe, sed etiam aures, tanquam fenestras animi: memor dicti veteris, quod citat Apostolus: Corrumpunt mores probos confabulationes malæ.*

166. *Siue ad mensam, siue alio quouis loco, diligenter quid quisq; dicat ausculta.*

167. *Ex sapientibus discas, quo fias melior.*

168. *Ex stultis, quo fias cautior.*

169. *Quæ sapientes probarint, sequeris.*

170. *Quæ stulti laudarint, vitabis.*

171. *Si quid videris à cordatis recipi tanquam vel argutè, vel grauitè, vel sapienter, vel doctè, vel ingeniosè, vel vrbane dictum, retinebis, vt & ipse in occasione vtaris.*

172. *Habebis librum chartaceum, in quo annotabis si quid legeris, vel audieris dictum festiuè, aut eleganter, aut prudenter: vel vocabulum aliquod exquisitum, rarum, vtile sermoni quotidiano, vt cum vsus poscat, habeas præparatum.*

173. *Annitere ne sola verba intelligas, sed præcipuè sensa.*

174. *Quæ legeris vel audieris, fac alijs nar-*

INTRODUCTIO

res, tum tuis condiscipulis Latine, tum alijs lingua tibi vernacula: & conare, ne minus ipse vel lepidè, vel venustè referas, quàm audieris, aut legeris: sic & ingenium exercebis, & linguam.

175. Est etiam tractandus & agitandus sæpe numero stylus, optimus dicendi magister.

176. Scribe, transcribe, rescribe crebrò, atque annota: compone alternis diebus, aut ad summum tertio quoque epistolam ad aliquem, qui tibi respondeat: & tuam ostende institutori emendandam: mendarum, quas sustulerit, fac recordere, ne rursus ad easdem impingas.

177. Post cibum, velut à prandio & cæna, cesset studium: sumpto prandio sede, confabulare, audi aliquid suave: aut sic lusita, ne nimium corpus exagites & concutias.

178. Post cænam, quam volo esse modicam, deambulato cum iucundo aliquo & docto confabulatore, qui te sermone oblectet, cuius verba & sententias imitari cum decore possis.

179. Inter cænam & quietem, vita omnino potum: nihil perniciosius simul corpori, memoriæ, ingenio. Cum urgebit te sitis, si biberis, pone inter potum & lectum intervallum cum minimū semihoræ.

180. Memoriam quiescere non sines.

181. Nihil est, quod aquè labore gaudeat & augeatur.

182. Commenda ei quotidie aliquid.

183. Quo

183. Quo plura commendabis, hoc custodiet omnia fidelius: quo pauciora, hoc infidelius.

184. Quum aliquid ei credideris, sine eam quiescere, & aliquanto post ab ea veluti depositum reposce.

185. Si quid vis ediscere, id de nocte quater aut quinquies attentissimus legito: hinc ito cubitum, de mane exigit à memoria rationem eius, quod pridie credideris.

186. Cauendum à crapula, à cruditate, à frigore potissimum ceruicis.

187. Vinum memoria mors.

188. Optimum esset singulis noctibus, paulo, antequam cubitum concederes, in cella te sine arbitris sedentem, quæcunq; die illo vidisses, legisses, audisses, egisses, in memoriam reuocare.

189. Si quid fecisses honestè, moderatè, prudenter, cordatè, cum decore & laude, gaude- res, sciresq; id esse Dei munus, & similia per- geres facere.

190. Si quid turpiter, immodestè, flagiciosè, pueriliter, ineptè, vituperio dignum, scires ex tua malitia profectum, doleres, & vitares in posterum.

191. Si quid vel audiuiisses, vel legisses elegans, doctum, graue, sanctum, retineres.

192. Si quid vidisses probatum, imitarere, si quid improbatum, fugeres.

193. Nulla tibi abeat dies, in qua vel non le-

I N T R O D U C T I O

geris, vel audieris, vel scripseris aliquid, q̄ seu eruditionem, seu iudicium, seu virtutem augeat.

194. Cubitum iturus, lege vel audi aliquid dignum, quod memoriae mandetur, & de quo salubre ac iucundum sit per quietem somniare, vt etiam nocturnis visis discas, & fias melior.

195. Studio sapientiae nullus in vita terminus statuendus est, cum vita est finiendum. Semper illa tria sunt homini, quàm diu viuit, meditanda: quomodo bene sapiat, quomodo bene dicat, quomodo bene agat.

196. A studijs arrogantia omnis arcenda est. Nam ea, quæ vel doctissimus mortalium nouit, non sunt minutissimum eorum quæ ignorat. Exiguum quiddam, & obscurum, & incertum est, quicquid homines sciunt, mentesq; nostræ in hoc corporeo carcere deuinctæ magna ignoratione & altissimis tenebris premuntur, aciemq; adeo retusam habemus, vt nec summas penetremus rerum facies.

197. Tum profectui studiorum plurimum nocet arrogantia. Multi enim potuissent ad sapientiam peruenire, ni iam putassent se peruenisse.

198. Vitanda etiam contentio, æmulatio, obtrectatio, inanis gloriæ cupido: cum in hoc sequamur studia, vt illa fugiamus.

199. Nihil excogitari potest iucundius cognitione multarum rerum, nihil intelligentia virtutis fructuosius.

200. Stu-

A D S A P I E N T.

200. *Studia res latas condunt, tristes leniunt, temerarios inpetus iuuenta cohibent, senectutis molestant tarditatem leuant: domi, foris, in publico, in priuato, in solitudine, in frequentia, in ocio, in negotio comitantur, assunt, imò præsunt, opitulantur, iuuant.*

201. *Eruditio pastus ingenij verissimus, vt indignum sit, pasci corpus esuriente animo: ex qua voluptates & oblectamenta, & solida, & perpetua, quæ alia ex alijs nascentia, & se renouantia, nunquam nos deserunt nec lassant.*

D E V I R T V T E.

202.

P*RÆSTANTISSIMA illa rerum vniuersarum virtus, neq; dono ab hominibus datur, neq; accipitur: diuinitus contingit.*

203. *Idcirco à Deo suppliciter ac piè petenda est.*

D E A F F E C T I B V S.

204.

S*VMMVVM in literis omnibus atq; eruditio-
Sne est ea Philosophia, quæ ingentibus animi morbis remedium adfert.*

205. *Magna cura adhibetur curando corpori, maior adhibenda est animo, quò huius morbi*

[& oc-

I N T R O D U C T I O

& occultiores, & grauiores, & periculosiores sunt.

206. *Hi non iniuria, tempestates, cruciatus, tormenta, flagra, faces, furiae animi humani nuncupantur, maximam hi adferunt calamitatem, & indicibiles dolores, si regnent, si agitentur: incredendam tranquillitatem & beatitudinem, si sedentur, & cohibeantur.*

207. *Huc tendunt, quaecunque à maximis ingenijs de vita moribusq; acutissime sunt excogitata, atque perscripta.*

208. *Hoc est ingens præmium literati laboris, cuius verissimus fructus est, ut non in admirationem, aut ostentationem vanam sit nobis magna illa rerum suppellex collecta: sed ut transeat in usum vitae, & primum omnium prosit possidenti: nec in eius mente sit tanquam in pyxidicula, vnde petitur res alios iuuatura, ipsi vasculo inutilis.*

209. *Nec aliud conatur pietas Christiana, quam ut serenitas humanos animos exhilaret: & tranquillitate animorum, compositisq; affectionibus simus Deo & Angelis similimi.*

210. *Remedia his morbis, vel ex rebus ac nobisipsis, vel ex Deo, vel ex Christi lege ac vita petuntur.*

211. *Natura rerum est, ut incerta & fluxa & momentanea & vicissitudinaria & vilia sint omnia præter animum, qui est vnusquisque,*

aut certè potissima eius pars: reliqua ab alijs ad alios transferuntur, ne quis extra animum quicquam possit suum dicere.

212. Quæ habet, non donata esse putet, sed accommodata.

213. Quocirca ingentis dementiæ est, graue aliquod crimen, & magna luendum pœna ob res minutas suscipere.

214. Nec se quisquam efferat, quod aliquid de externis, aut corporeis contigerit: cum id omne breue futurum sit, ac incertum: nec proprium, sed alienum: quod, vt concessum est, sic etiam reposcetur: ad summum in morte, sæpe in vita ipsa.

215. Nec dolendum, si quod accommodatum ac velut depositum est, repetatur: quin potius agenda gratiæ, quod tantisper vti licuit.

216. Intolerandæ ingrati tudinis est, si sis aliquando affectus beneficio, iniuriam te credas accipere, quod id non sit perpetuum: nec quid habueris spectes, aut quàm diu: sed quid, aut quàm diu non habueris.

217. Nec latandum, quod fortuita tibi accesserunt, aut amicis, adempta sunt inimicis: cum in omnibus tanta sit celeritas, & ambiguitas, vt plerunq; inani latitiæ proximus sit acerbus fletus.

218. Nec despondendus animus, aut contrahendus, reflante fortuna: quippe aduersis matutinis,

INTRODUCTIO

tinis, interdum succedunt prospera vespertina.

219. Iam quæ conditio corporum, quæ ratio vitæ fictis ex tam vili initio, tam fragili, cum sit anceps vita, septa tot undiq; periculis: & vt sit aliquantisper certa, vtique non est diu duratura, quid habemus, cur in tanta infirmitate ferociamus?

220. Cumq; nihil sit aliud hæc vita, quàm peregrinatio, qua in alteram sempiternam tendimus, paucissimisq; rebus ad hoc iter conficiendum egeamus,

221. Quid est quamobrem his, quæ huc atq; illuc volui ac iactari cernimus, sollicitemur, aut omnino moueamur?

222. Cupiditati quare seruiendum est, cum sint futura incertissima, et præsentia paucis contenta?

223. Liber ille, qui cupit solum, quæ sunt in ipsius manu: seruus qui contrà.

224. Iam fortune muneribus expleri, quid aliud est, quam peditem multis sarcinis impediri, ac obrui?

225. Nemo est tam stupidè amens, qui non se illi ciuitati, ad quam tendit, & vbi morari destinat potius, quam itineri adornet, componatq;.

226. Vita hæc nostræ, quum sit natura sua fugax, & arcta, maxima eius pars ac ferè tota perturbationibus perit, neque enim viuimus, quàm diu affectibus concutimur, & inprimis mortis metu,

227. Quæ

A D S A P I E N T.

227. Quæ quum ex infinitis causis immineat
& appropinquet, expauenda non est ex vna &
altera, quum necessariò peruentura, fugienda
non est per scelus, aut mœrendum quod accedat.

228. Quum sit vita innumeris radijs ac mise-
rijs referta, cur est tam arctè retinenda, quum
ad alteram æternam proficiscamur? Ita nos com-
paremus, vt recta ad illam euolemus, plenissi-
mam bonorum omnium.

229. Ergo premimur sæpius nostris erroribus,
quam rebus ipsis, quum magna mala aut bona
censemus, quæ non sunt.

230. Natura & conditio, & vera rerum pre-
cia illa sunt, quæ initio posui, quo apparet, nihil,
præter virtutem, pulcrum aut magnum esse, aut
etiam nostrum.

231. Nos verò in consilium mentis, amorem
corporis, & cupidinem rerum vitæ huius accer-
simus, quæ à multis vocari solent, amor nostri.

232. Hic animos viriles eneruat, vt nulla res
tam minuta sit, quæ in eos non penetret, nec vlla
tam exilis aut tenuis, quin eos concutiat.

233. Hinc tenebræ oboriuntur oculo mentis,
& vbi regnum affectus occupauêre, iam illis
tanquam dominis blandimur, indulgemus, pa-
remus.

234. Ita aliena mordicus tanquam nostra ap-
prehendimus, & si detrahantur, lamentamur
& affliclamus nos ipsos.

INTRODUCTIO

235. Et nostra tanquam aliena negligimus,
& auersamur profutura., ceu in primis noxia,
& nocitura amplectimur pro vtilibus.
236. Aliena mala nobis videntur leuissima,
nostra illis non maiora intolerabilia, & semper
queruli nec aliena desideria ferimus nec nostra.
237. Nec iam bonis placemus ipsi, nec hic
mundus cum sua lege nobis satisfacit, immuta-
tas vellemus rerum naturas: tanta est ex deli-
cijs impatientia.
238. Quæ cruces possunt cum his comparari?
nec sunt alia apud vita sanctos tormenta.
239. Nec demones alijs supplicijs sunt miser-
rimi, quàm superbia, inuidia, odio, ira.
240. Cernere est vultus eorum, qui his affe-
ctibus tenentur: quàm varijs sunt, quàm anxij,
anheli, truces, horridi, ad eundem modum &
animi sunt affecti.
241. Ira perturbationum omnium atrocissi-
ma, maximè hominem dedecet.
242. Naturam hominis in truculentam mu-
tat feram.
243. Et quum quauis perturbatio mentis aci-
em & iudicium omne obscuretur, tum ira tenebras
densissimas offundit, vt nec verum, nec vtile,
nec decorum possit cernere.
244. Arrodit cor, & valetudinem affligit.
245. Id cogit facere, quod ilicò pœnitentia
consequatur.

246. Iam

AD SAPIENT.

246. Iam in facie quàm turpis mutatio ? quæ tempestas ? oculorum ardor ? dentium stridor ? desummatiæ ? & totius oris pallor ? fada in lingua titubatio & clamor ?

247. Ut ille, qui iratum se ad speculum vidit, non sine caussa dicatur se non agnouisse.

248. Ob hanc toruitatem vultus, atrocitatem disolorum, crudelitatem factorum, adimitur viro omnis autoritas, omnis beneuolentia, diffugiunt amici, recedunt obuij, solitudo vndiq; omnes cederunt, omnes detestantur.

249. Quò fit, vt maximi viri nihil vel cauerint magis, vel texerint, quàm iram & irati opera, adeo vt naturæ etiam suæ repugnarint, ac vim attulerint.

250. Quid enim ridiculum magis, quàm tantulum, tam imbecillum animalculum, sic ferociter ac furere ?

251. Et tantas tragædias, tam atroces de vilissimis rebus excitare, vt de corporeis, de fortuitis, etiam, si Dÿs placet, de vno verbulo ?

252. Iram facile domabis, si illud animo præceptum & fixum tenueris :

253. Iniuriam non fieri, nisi laedatur animus : cui à nemine noceri potest, nisi à possidente, introducto in eum vicio.

254. Hac ad hominem, ex homine nunc altius, nempe ex Deo, etiam si & illa quoq; ex Deo : sed hac aliquanto expressius ac propius.

I N T R O D U C T I O
D E R E L I G I O N E .

255.

Nihil potuit hominum generi dari maius, aut prestabilius, quàm religio : quæ est cognitio & amor Principis & Parentis vniuersitatis Mundi huius.

256. In nullos homines æquè est beneficus Deus, ac in illos, quos docet, qui sit verus sui cultus.

257. Iccirco Psalmista inter maxima Dei in populum Israëliticum munera illud ponit : Qui annunciat verbum suum Iacob, inflicias & iudicia sua Israël.

258. Non fecit taliter omni nationi, & iudicia sua non manifestauit eis.

259. Per religionem Deus cognoscitur: cognitius fieri nequit aliter, quin ametur.

260. Unus Deus est princeps & autor & Dominus vniuersorum, qui potest, qui scit omnia.

261. Mundus hic est velut domus quadam eius, vel potius templum: ipse ex nihilo in hanc faciem atq; ornatum protulit, vnde nomen accipit apud Græcos Ornati.

262. Idem regit atq; administrat, non minore conseruationis miraculo, quàm creationis.

263. Et quemadmodum in domo prudentissimi patrisfamilias nihil iniussu eius agitur: sic in omni mundo nihil iniussu Dei geritur, omnia potentis & scientis.

264. Illi

A D S A P I E N T.

264. Illi angelos, demones, homines, animantia, stirpes, lapides, calos & elementa, cuncta deniq; curæ esse, ac parere.

265. Nihil fieri, nihil moueri, nihil contingere, ac ne stipulam quidem attolli vllam, aut floccum volitare extra illius præscripta & iussa.

266. Hanc esse vniuersi legem, non alium esse in rebus casum, non fortunam, aut sortem.

267. Omnia ab eo fieri cum summa equitate & sapientia, tametsi vix nobis ignoratis.

268. Quæcunq; cuius contingunt, ad eius referri commoda, si sit bonus: non ad ista pecuniola, aut mundi huius momentanei, sed illius æternæ salutis.

269. Ergo quæcunq; in hoc mundo accidunt, tanquam ab autore Deo profecta, æquis animis accipienda atq; approbanda sunt, ne affectu nostro, & tanquam iudicio consilium damnare videamur, & improbare voluntatem iustissimi illius & sapientissimi rectoris omnium Dei, quia non assequimur.

270. Ei nos obsequi ac subditos præbere, laudare, atq; approbare cuncta, qua facit, fas piunique est.

271. Nos pueri & meliorum rerum inscij, quæ damnosissima sunt, deslemus non dari, tanquam vtilissima: quæ vtilissima, horremus tanquam aduersissima.

272. Ut nihil sit nobis sæpenumero pestilenti-

INTRODUCTIO

us, quàm fieri votorum nostrorum compotes.

273. Cumque in tantis tenebris ignorationis verseremur, sic Deo visum est, ut nobis sola sit praestanda culpa, cetera omnia illius curæ remittantur.

374. Nobis, velimus nolimus, exequendum est, quod de nobis statuit ac iul et rector huius tanti operis. Quorsum igitur spectat, malle cum lacrymis detrectantes & reluclantes trahi, quàm hilariter & ultro duci?

275. Certe amicus omnis Dei, legibus & voluntati amici obtemperabit.

276. Hæc potissima ratio est Dei amandi, sicut Christus inquit: Vos amici mei eritis, si feceritis, quæ ego precipio vobis.

277. Pacificator humani generis cum Deo & autor salutis nostræ est Iesus Christus, homo Deus, Dei omnipotentis filius vnigenitus, quem ad hoc ipsum pater misit, cum ei visum est misereri generis humani, quod maximo suo malo inimicum se fecerat Deo.

278. Nullum excogitari potest malum pestilentius, aut exitiabilius, quam per peccatum à Deo separari, perenni bonorum omnium fonte, ad perniciosissimam conuerti miseriam, & à dulcissima vita in acerbissimam mortem.

279. In hoc inter cetera Christus venit, ut rectissimam viam nos edoceret, qua insisteremus proficiscentes ad Deum, nec ab ea vel pilum deflecteremus.

280. Hanc

280.
fecit
man
281.
ne
stuli
282.
rum
rati
pien
edifi
reft
tate
283.
han
uit,
284.
bit
lex
285.
mil
sap
286.
tur
287.
cor
ne
288.
sib

A D S A P I E N T.

280. Hanc ipse & verbis indicavit, ac patefecit, & exemplo vitæ suæ munivit expeditissimam atq; certissimam.

281. Humana omnis scientia, si cum religione Christiana conferatur, cœnum est, & mera stultitia.

282. Quicquid grave, prudens, sapiens, purum, sanctum, religiosum, quicquid cum admiratione, exclamatione, plausu apud gentes sapientes legitur, quicquid ex illis commendatur, edificatur, in cœlum tollitur: id totum purius, rectius, apertius, expeditius inuenitur in pietate nostra.

283. Hanc nosse, perfecta est sapientia: iuxta hanc vivere, perfecta virtus: sed nemo verè novit, qui non sic vivat.

284. Vita Christi testatur humanam eius probitatem: miracula, omnipotentiam diuinitatis: lex. euangelium, sapientiam.

285. Ut ex probitate accedat exemplum ad imitandum, ex autoritate vis ad obediendum, ex sapientia fides ad credendum.

286. Probitas amorem eliciat, maiestas cultum, sapientia fidem.

287. Si quis, quæ Christus præcipit, expendat, comperiet omnia ad nostras utilitates referri, ut nemo, nisi maximo suo bono, sentiat se credere.

288. Ut nihil est homini gratius, quàm fidei sibi, ita nec Deo: nec quisquam bene de illo co-

INTRODUCTIO

gitat, cui timidè seipsum credit.

289. Fundamentum salutis est, credere Deum esse patrem, & huius filium unicum Iesum Christum, legislatorem nostrum: & ex utroq; spirare sanctum illum afflatum, sine quo nihil agimus, nihil cogitamus excelsum, aut profuturum nobis.

290. Verus Dei cultus est, animum morbis & pravis affectibus perpurgare, & in illius, quàm proximè possumus, transformari simulacrum, ut puri & sancti simus, sicut & ipse est, neminem oderimus, omnibus prodesse studemus.

291. Quo magis te à corporalibus ad incorporea transuleris, hoc vitam diuiniorē viues.

292. Ita fiet, ut Deus cognatam & similem sibi naturam agnoscat, eaq; delectetur: ac velut in vero & germano templo habitet, multò sibi acceptiore, quàm ista sunt lapidum & metallorū.

293. Templum Dei sanctum est, inquit Paulus, quod estis vos.

294. Tantus hospes conseruandus est, nec tetro peccatorum fetore expellendus.

295. Corporalia opera fatua sunt ante Deum, nisi conditura ex animo addatur.

296. In occultissimis recessibus, & procul ab omnium oculis, atq; adeo in corde ipso, atq; in animo tuo scito te habere Deum arbitrum, testem, iudicem omnium etiam cogitationum tua-

rum:

rum :
modo
rium,
297.
lum c
remq;
Etis vi
298.
mimo
pia la
amici
serisq;
299.
quidd
possit
300.
quom
ratio
301.
illius
dus e
302.
sanct
les fa
dici
obsc
& in
303.
inge

A D S A P I E N T.

rum: vt illius præsentiam reueritus, nihil non modo facias, sed nec in animum admittas nefarium, aut turpe.

297. Charitas erga Deum hac esse debet, vt illum cæteris rebus vniuersis anteponas, honoremq; & gloriam illius chariorem habeas cunctis vitæ huius honoribus & commodis.

298. Et quemadmodum amicus, cum amici memoria occurrit, beneuola quadam afficitur et pia letitia: sic curare te decet, vt diuina omnia amicissima tibi sint, & proinde gratissima, verserisq; in illis multò libentissimè.

299. Quoties nominari audis Deum, maius quiddam & admirabilius occurrat, quàm quod possit humana mens capere.

300. Quæ de illo & diuis dicuntur, audi, non quomodo humana, sed cum magna animi admiratione.

301. De Deo ne quid temerè sentias, aut de illius factis pronuncies aliter quàm venerabundus & timidè.

302. Impium, in res sacras iocari, aut dicta sanctarum scripturarum ad lusus, ineptias, aniles fabulas, scommata conuvertere, ceu quis medicinæ ad salutem paratæ cœnum aspergat: ad obscenitatem autem trahere, id verò nefarium & intolerabile.

303. Omnia decet illic esse admiranda, & cum ingenti dignatione in animos recipienda.

I N T R O D U C T I O

304. *Sacris intersis attentè ac piè, non ignarus, quacunq; ibi seu vides, seu audis, esse purissima & sacrosancta, spectareq; ad immensam illam Dei maiestatem, quam adorare facile est, comprehendere impossibile.*
305. *Ita vt in diuina illa sapientia altiora semper existimes latere, quàm quò possit ris vlla humani ingenij pertingere.*
306. *Dieta sapientum hominum etiam non intellecta veneramur, quanto id aequius est diuinis deferri?*
307. *Quoties nominari audis Iesum Christum, toties veniat tibi in mentem charitas illius in nos inestimabilis, & recordatio illius sit tibi dulcedinis & venerationis plena.*
308. *Cum titulum aliquem, aut epitheton Christi audis, extolle te in eius contemplationem: & ora, vt talem se præbeat erga te, velut cum clementem, mitem, placidum, vt talem illum experiare: cum omnipotentem, vt id ostendat in te, ex pessimo reddens optimum, ex hoste filium, ex nihilo aliquid: cum terribilem, vt eos à quibus terrere, terreat.*
309. *Cum Dominum vocas, fac illi seruias: cum patrem, fac ames, & te dignum præstes tanto patre filium.*
310. *Nulla res est in toto vniuerso, cuius si vel originem, vel naturam, viresq; intuearis, non suppeditet, quo autorem omnium Deum admi-
reris & adores.*
311. Ni-

311. Nihil exordire, non innocato prius numine: Deus enim, in cuius manu sunt progressus & exitus, optatos eos tribuit ijs actibus, quos ab ipso auspicamur.

312. Quicquid aggressurus es, finem spectato, & ubi tu rectum consilium præsiteris, de euentu ne sis sollicitus.

313. Illi fide, in cuius potestate sunt rerum euentus.

314. Quandoquidem religio omnis sita est in intimis pectoris: preces, da operam, ut intelligas, & caue, ne ore tantum permurmures. Sed cum oras, totus & animo, & mente, & cogitatione, & vultu in hoc sis, ut omnia secum consentiant, & excellentissima respondeant actioni.

315. Execrantur illum cœlestia oracula, qui opus Dei facit negligenter.

316. Si in citharædo turpe est, aliud ipsum ore, aliud fides eius sonare: multò est turpius, cum Deo psallimus, aliud linguam dicere, aliud animum cogitare.

317. Vota nostra sobria sint, & digna, quæ à Deo petantur, & quæ Deus det, ne stulta illum, aut inepta offendant.

318. Sumpturus cibum, recordare omnipotentia Dei, qui cuncta ex nihilo condidit, sapientia ac benignitatis, qui ea sustinet: mansuetudinis & clementie, qui etiam inimicos suos pascit.

I N T R O D U C T I O

319. *Expende quantum illud sit, tot vitis vniuersitatis mundi huius tam variam quotidie alimoniam sufficere, conseruare omnia, & vindicare ab interitu, quo nutu suo tendunt.*
320. *Nullam neq; hominum, neq; angelorum sapientiam, non modo hoc non posse praeclare, sed nec intelligere.*
321. *Itaq; cum scias te de illius bonis viuere, cogita quàm execrandæ sit ingratitude, quàm perditæ temeritatis, audire te cum illo inimicitias exercere, cuius beneficio & voluntate consistis, non amplius, si nolit, futurus.*
322. *Ad mensam sint casta omnia, pura, cordata, sancta, qualis ille est, inter cuius munera tunc versaris.*
323. *Omnis detrectatio, virulentia, atrocitas, crudelitas à mensa arceatur, in qua tu sentis incredibilem Dei erga te suauitatem & clementiam.*
324. *Quò intolerabilius est, eum te locum asperitate aut odio in fratrem contaminare, ubi tu benignam & largam in te lenitatem percipis.*
325. *Quod nec gentiles ignorarunt, qui eam ob causam mensæ sacra nominabant lata & festa, ad quam triste aliquid aut atrox dici fieriue nefas erat.*
326. *Cumque sis omnipotenti, sapientissimo, largissimo Deo curæ, tu immodicam sustentandi tui curam depone, tanquam bonitati illius diffi-*
sus

A D S A P I E N T.

sus: unicam curam suscipe, quomodo illi placeas, ac satisfacias.

327. *Stultissimum est, alimenti causa prauum vllum facinus admittere, & illum offendere, à quo solo alimenta veniunt, vt cum tibi iratum facias, à quo aliquid contendis impetrare. Prasertim cum non alimentis conseruetur vita, sed voluntate Dei, quemadmodum diuinis oraculis declaratum est: Non pane hominem viuere, sed verbo Dei.*

328. *Habemus sygrapham Iesu, vniuersorum in caelo & in terra Domini, nihil eorum, quæ opus sunt homini, defuturum ijs, qui quaesierint regnum Dei, & iusticiam eius.*

329. *Tum ex Dei donis, quæ ipse arbitrio suo & largitur & tollit, cum is in te tam benignus fuerit, tum in fratrem tuum, illius filium, malignus ne esto, reputans vos ex æquo esse Dei filios, nec Deum plus tibi debere, quam illi: tantum voluisse te dispensatorem & administratorem esse, & à quo secundum Deum frater tuus peteret.*

331. *Nihil verius datur Christo, quàm quod egenis datur.*

332. *Sumpto cibo, considera cuius sit sapientia, cuius potentia vitam nostram ijs rebus, quas edisti, sustentare, & videntem fulcire.*

333. *Itaque habeas Deo gratiam, non quantum haberes illi, qui tibi pecunia sua cibarium*
emis-

I N T R O D U C T I O

emisset: sed quanta habenda est ei, qui te & cibum ipsum condidit, & cibum propter te, & cibo te sustentat, non vi illius, sed sua.

334. Cum petis quietem & cum surgis, reminiscere benefactorum Dei, non in te solum, sed in totum genus hominum, atque adeo mundum vniuersum.

335. Cogita quanta sint hostis hominum perlicentiam quietis insidiae, dum homo velut cadaver iacet, impos sui, quo instantius orandus est Christus, ut nos tam imbecillos tueatur.

336. Nec vlllo nostro peccato irritandus est custos & praeses noster.

337. Et frons & pectus crucis nota exterius munendum: interius verò p̃ys precibus & sanctis meditationibus.

338. Vbi iam lectum ingrederis, fac cogites vnumquemque diem imaginem esse humanae vitae, cui succedit nox & somnus, simulachrum mortis expressissimum.

339. Itaq; rogandus est Christus, ut in vita & in morte adsit semper propitius ac fauens, illamque ipsam noctem præbeat nobis placidam atq; tranquillam.

340. Neque in somnijs terreamur, semperque etiam sopitis, ille menti nostræ obuersetur: illius solatys recreati ad matutinum tempus sospites & lati perueniamus, cum pia memoria sanctis-

finis

AD SAPIENT.

suma mortis ipsius precij, quo genus humanum redemptum est.

341. Cubile seruabis castrum mundumq; ne ius vltimum in id inueniat autor illic, & caput totius spurcitiei.

342. Signo crucis & sacra aqua, & inuocatione diuini numinis, sed imprimis sanctis cogitationibus, & statuto custodienda pietatis, omnem ab eo Diaboli ditionem pelles.

343. De mane surgens commenda te Christo: cui & age gratias, quod illius ope ac presidio non es illa ipsa nocte oppressus dolis & inuidia immanis hostis.

344. Et quemadmodum de nocte dormisti, postea euigilasti: sic nostra corpora recordare dormitura per mortem, hinc reducenda vita à Christo, cum apparebit iudex viuorum & mortuorum.

345. Quem supplex obtestare, vt sequentem diem velut ac faciat te in obsequio suo tecum consumere, ne quem ledas, neu à quo ledatur tua probitas: sed septus undiq; ac munitus pietate Christiana, solus es & integer tot euadas reuera, tot pedicas, quos per vias omnes & auitus humanos sparsit tetenatq; insidiosus Diabolus.

345. Sanctissimam Dei parentem, Mariam, & reliquos diuos, diuasq; venerare, tanquam caros amicos Christi, Dei viuientis in secula seculorum.

INTRODUCTIO

347. De illorum vita & actis crebrò velle-
gito, vel audito attentissimus & libentissimè, pio
& venerabundo animo, vt tibi ad imitationem
profuit.

348. De illis sic senti, sic loquere, tanquam non
iam hominibus, supergressis naturam omnem et
fastigium humanum, diuinitati proximis & con-
iunctis.

349. Inter homines verò cum tanta sit cogna-
tio similitudinis in corpore, & toto animo, si-
musq; omnes pari iure in mundum inuecti, ad so-
cietatem & vitæ communionem facti: ad hanc
conseruandam lex est à natura proclamata, ne
quis alteri fecerit, quod sibi factum nolit.

350. Hoc vnum instaurator ille naturæ col-
lapsæ, suam esse dogma proijctas est, sed expli-
catum & illustratum.

351. Nam vt humanam naturam ad simili-
tudinem Dei, quoad eius fieri potest, sublatam
suis omnibus numeris consummaret, non modo
mutuum amorem imperauit, sed eorum quoque,
qui nos oderunt.

352. Vt simus cælestis patris similes, qui suos
quoque inimicos amat: quod declarat beneficiis
illos prosequendo, & quidem maximis: neminem
odit.

353. Quid? quod hominum ingenium ita fert,
vt beneuolos in se illos velint, etiam in quos ipsi
sunt maleuoli?

A D S A P I E N T I.
D E C H A R I T A T E.

354.

SA P I E N T I S S I M U S *vita nostra magister, nempe & autor, vnicum dedit ad viuendum documentum, vt amemus, gnarus vitam nostram,, si amemus, fore felicissimam nec alijs opus esse legibus.*

355. *Nihil felicius, quàm amare, iccirco Deus & angeli felicissimi, quia amant omnia.*

356. *Infelicius nihil, quàm non amare, quo affectu miserrimi sunt Diaboli.*

357. *Verus amor omnia exæquat. Vbi is viget, nemo alteri quarit præferri, nemo à dilecto rapere, cum apud se esse sentiat, quæ apud illum.*

358. *Non litem mouere fratri charo, ac neque se vnquam iniuria putat ab illo affici, ideo nec vltionem meditatur. Nemo inuidet ei, quem amat, nec quisquam malis amici gaudet, nec bonis dolet: contrà, potius gaudet cum gaudentibus (iuxta dictum Apostoli) flet cum flentibus: idq; non fictè aut simulatè, sed ex animo, quoniam amor omnia reddit communia, suaque esse existimat, quæ sunt eius, quem amat.*

359. *Documenti huius solidum & verissimum exemplar oculis nostris ad imitationem propositum, sunt Christi actiones.*

360. *Ve-*

INTRODUCTIO

360. Venit enim filius Dei, non ut verbis modo, sed exemplo vite sue, rectam nos doceret viuendi rationem, ut illustratis sole illo suo animis nostris, aperte qualis quaque res esset, cerneremus.

361. Primum exercitus per omne genus patientiæ, quantam ostendit animi moderationem, in quanta potentia impetitus tot, tam grauius contumelijs, nemini remaledixit, tantum de cuit viam Dei, aduersam detestatus, vinciri se est passus, qui mundum euertere vel unico poterat nutu.

362. Calumniam quam patienter tulit?

363. Deniq; sic gessit sese, ut nemo in eo potentiam nouerit, nisi ad iuuandum.

364. Rex & Dominus vniuersorum, per quem fecit Pater hunc mundum, quam aequè tulit equari se infimis mortalium? & propriam sibi domum, & charis suis ministris deesse alimenta?

365. Conditor rectorq; nature, malorum nature nostræ expers non fuit: esuriit, sitiit, de lassatus fuit, & mastrus: quorsum hæc, nisi ad exemplum nostrum?

366. Tam amicus pacis, concordie, charitatis, ut nullum vitium magis sit infectatus, quam superbiam, & quæ illinc oriuntur, arrogantiam, ambitionem, contentionem, dissidia, similitates.

367. Osten-

367. Ostendens nihil esse, cur quis vel ab externis sibi quicquam arroget, vel à corporeis, cum sint aduenticia & aliena.

368. Nec ab internis, & virtute, cum à Deo dentur: & ob hoc ipsum tolluntur, quod quis eiusmodi muneribus sese efferat, nec fontem atq; originem agnoscat, deficiens eos, ad quorum utilitatem hac à Deo accepit.

369. Et ad superbiam infringendam, ne quis tanquam ritè subditus religioni, & seruator legis Euangelicæ sibi placeat, auarimus ab eo: Cum omnia, quæ vobis præcepi, feceritis, dicite: Serui inutiles sumus.

370. Quanta stultitia est eorum, qui se exactè Christianos gloriantur, & alijs in obseruanda lege sese anteponunt?

371. Quum nemo de se norit, an virtutem habeat, vtrum odio Dei, an gratia dignus sit: an illic, cui sese præfert, virtute sit locupletior: an affectus & destinatus in consortium celestium, cum sit i se miseris sempiternis assignatus.

372. Ideo iudicium enim de homine bonum ademit, cæco & ignaro, recessum cordis ad se transfudit, seruatore pectoris humani.

373. Exteriora enim, quæ sola oculus hominis inuenerit, infima & incerta sunt interiorum signa.

374. Non ergo vno congressu, quod nonnulli f.cunt temerarij, non centum, non longinquo

INTRODUCTIO

conuictu de ingenio, vicijs, aut virtutibus cuiusquam sententiam in totum feras.

375. Longissima & obscurissima sunt in humano corde latebrae, quae humana acies in tantam caliginem penetrabit?

376. Et cum Christus vniuersum genus hominum morti sua sibi offeruerit, tantoque precio de seruitute in coeli redemerit, nemo ausit contemnere nemo ludere animam quam ita Dominus amat. ut nihil cunctatus sit vitam suam pro illa effundere.

377. Pro vniuersis crucifixus est Dominus, & pro singulis.

378. Nec speres fore Christo rem gratam, si tu oderis quem ille amat.

379. Hanc vult sibi referri gratiam, ut quemadmodum ipse Dominus nos seruos nequam & pessimè meritos amatit, ita & nos conseruos nostros.

380. Hic inchoauit mutuam hominum inter se & cum Deo charitatem, hoc est, humanae beatitudinis iecit fundamenta, in caelo absoluit.

381. Haec est vita & gratia Christi, sapientia humanum ingenium excedens, acuitate intelligentibus congruens, bonitate cunctos alliciens.

382. Nemo se Christianum esse putet, nemo se Deo esse charum confidat, si quem odit, cum Christus nobis homines omnes commendarit.

383. Hominem tibi à Deo commendatum, si dignus est, ama, quia dignus est quem ames: si indignus, ama, quia Deus dignus, cui pareas.

384. Non ieiunia, non erogata opes omnes in pauperum usum, hominem Deo gratissimum reddunt, sola hoc praestat hominum charitas, hoc nos Apostolus eius docuit.

385. Nullum timebis hominem, quem non existimes debere tibi esse fratris germani loco, ut eius rebus prosperis gaudeas, aduersis doleas, inuectus quantum erit opis tua.

386. Non natio affectum hunc minuat, non ciuitas, non cognatio, non professio, non conditio, non ingenium, vnus est omnium pater Deus, quem tu, edoctus à Christo, quotidie patrem compelles, qui te filium agnoscat, si tu eius filios fratres agnoueris.

387. Ne sit tibi turpe, si atrem illum habere, quem Deus non designatur filium.

388. Pacem & concordiam, & amorem inuexit Deus.

389. Partes & factiones, & priuatas utilitates cum alienis damnis, sunt etiam dissidia, rixas, contentiones, bella, Diabolus peritissimus horum artifex.

390. Deus quia vult nos fieri saluos, si argit beneuolentiam: Diabolus, quia perditos, immittit.

I N T R O D U C T I O

391. Concordia etiam pusilla coalescunt, discordia maxima dissipantur.
392. Qui pacem, qui concordiam student inter homines vel conciliare, vel conservare sanctam ecclesiam, i filij Dei vocabuntur, teste Christo, hi vero sunt pacifici, de quibus ipse loquitur. Qui verò discordias serere, caritatem hominum inter se rescindere, ii filij Diaboli.
393. Summum inimicitarum, quo belluarum feritatem omnium homo superat, bellum, scito rem esse non hominum, sed quod verbum ipsum loquitur, belluarum.
394. Quam detestatur natura, quæ hominem inermem genuit, ad mansuetudinem & communionem vitæ: auersatur Deus, qui penitus vult & imperat mutuam inter homines omnes caritatem.
395. Nec quisquam homo homini, vel bellum facere, vel nocere potest sine scelere.
396. Si quem arbitreris iniquo aut infenso esse in te animo, nullum laborem aut operam refugas, dum illum quacumque ratione lenias, & places tibi.
397. Neque in ea re vel precibus, vel obsequio, vel fortunis parcas, modo tibi gratiam omnium pares, celerem viam ad gratiam Dei.
398. Neminem irriteris, cogitans quod uni alicui accidit, posse cuius accidere. Age potius Deo gratias, quod te extra eam sortem posuerit:

rit: & ora, tum tibi ne quid tale accidat, tum illi sic afflicto saltem remedium aliquod, vel æquum animum, & ipse subueni, si potes.

399. Crudelis animi est, alienis malis gaudere, & non misereri communem naturam.

400. Esto hominibus misericors, & consequere à Deo misericordiam.

401. Fortuna & casus humani sunt omnibus communes, unicuique minantur, unicuique impendent.

402. Hoc amore hominibus debito, nihil estimato posse te facere aptius & congruentius, quàm si maximum bonum, hoc est, virtutem eius procuraueris, si studueris, ut omnes, si potes, utiq; quàm plurimos reddas bonos.

403. Nihil magis amori dissonum, nihil damnosius aut deterius feceris, quàm si quos malos reddideris vel suasis, vel exemplo, vel vilo alio incitamento.

404. Primum omnium & felicissimum est, si ames, etiam odiosius, sed iucundissimum quoque est, & maximè tutum amari.

405. Nulle certiores opes, quàm certa amicitia.

406. Nullum potentius satellitium, quàm amici fideles.

407. Solem è mundo tollit, qui è vita amicitiam.

408. Sed vera, & solida, & duratura ami-

INTRODUCTIO

citia tantummodo est inter bonos, inter quos facile amor coalescit.

409. Mali nec inter se amici sunt, nec cum bonis.

410. Ut ameris, certissima est & breuissima per amorem via, nihil enim sic amorem elicit, ut amor.

411. Conciliatur quoque virtute, quae natura sua amabilis est, ut vel ignotissimos ad se amandam inuitet & trahat.

412. Tum etiam virtutis signis, mansuetudine, modestia, pudore, humanitate, comitate, affabilitate, si nihil vel dixeris, vel feceris, quod arrogantiam, aut insolentiam, aut petulantiam, aut obscenitatem respiciat: omnia sunt dulcia, mitia, lenia, & pura.

413. Amicitia venenum, si amas tanquam osurus: & amicum sic habeas, ut putes posse inimicum fieri.

414. Salutare illud: Odi tanquam amaturus. In amicitia nulla sit inimicitia cogitatio.

415. Quem habes amicum, ne credas futurum unquam inimicum: alioqui infirma & fragilis erit amicitia.

416. In qua decet inesse fidem, constantiam, simplicitatem, ut de amico nec ipse suspiceris, nec suspicantibus aut deferentibus aurem accommodes.

417. Vi-

A D S A P I E N T.

417. Vita non est vita suspicacibus aut timidis, sed assidua mors.

418. Ne in alienas vitas inquiras, neque curiosus seruteris, quid quisque agat: multa hinc suboriuntur similitates.

419. Et qui hæc faciunt, suorum solent esse incuriosi, alienorum solliciti. Stultum est, alios tam probe nosse, seipsum ignorare.

420. Nec amare tantum homines debes, sed etiam quos æquum est reuereri, ac inter eos honeste versari, & cum decore: in quo est officium vite communis.

421. Ne putes nihil interesse, ubi, cum quibus, apud quos agas.

D E C O N V I C T V hominum.

422.

SIT tibi inter homines modestia, & moderatio in vniuerso corpore: & præcipue in oculis, ac ore toto: à quo absit species omnis fastidii & contemptus, absit gesticulatio & lascinia: serenitas illud & quietudo exornent, argumentum animi ad eum modum affecti.

423. Solum humane faciei tegumentum decorum imprimis & fauorabile, modestia & verecundia, quia nudis nihil potest dici fœdus aut detestabilius.

D 4 424. De-

INTRODVCTIO

424. Desperanda illius salus, quem desit pudere malefacere.
425. Nec vultus sit in atrocitatem, aut seueritatem nimiam compositus, vnde colligitur saeuus & impotens animus.
426. Risus ne sit frequens aut immoderatus, aut cum clamore & concussione corporis, ne in cachinnum aut irrisum exeat.
427. Nudam esse rem talem existima, qua te tantopere queat exhilarare, vt ingentem attollere risum cogat.
428. Sed risus potest esse caussa aliqua, irrisus nulla.
429. Irridere bona nefas, mala crudelitas, media stultitia, probos impium, improbos seuum, notos immanitas, ignotos dementia, denique hominem inhumanum.
430. Oculi sint quieti, manus ne ludibundae, ne gesticulatrices.
431. Nec assuesce quenquam cadere, ex talibus venit ad pugnam, hinc ad fustem & ferrum.
432. Solos bonos vero ac germano honore prosequere, qui ex veneratione animi nascitur.
433. Magistratibus exteriorem honorem exhibe, illis que audiens esto, etiam si graua & molesta imperent: Hoc enim vult Deus propter publicam quietem.

434. Di-

434. Diuitibus cede, ne irritati & tibi, & alijs bonis noceant.;

435. Seni assurge, reueritus atatem, & rerum vsum, prudentiamq;, quæ in illa esse solet: Honorationi alienæ non modo paria facito, verum etiam iuxta præceptum Apostoli, præuerte. Salutantem non resalutare, nec feliciter precanti feliciter reprecari, id si factum cognoscas, aut extrema barbariei est, aut incuria socordissima. Quàm exigua res sunt, & nullius impendy, salutatio, affabilitas, comitas, honor, et quàm magnas amicitias conglutinant exhibita, dissoluant prætermissa? Quanta est bonarum rerum ignorantia, nolle multorum benevolentiam tantulo redimere? Generosissimè ut quisq; est, & optimè educatus, ita se maximè nitenti omnibus & comem præbet: ut fastidium & ferocia ex utilitate sunt, aut hebetudine, aut imperitia, unde in bonas artes eruditio Humanitas nuncupata est. Ipse si non salutare, aut resalutare, negligentia magis ascribitur, vel inconsiderantia, quàm contentui. Parum blandè aut honorificè appellatus, seu moribus, seu natura attribue, non malitia, vel odio. Hæc interpretationibus ac similibus sanctam tibi & iucundissimam parabis vitam, quippe omnes diliges, nec à quoq; te offensam arbitrare. Vetus dictum: Ut verax, ne suspicax. Hoc verbis novum, sententia priscum: Ut quietus, ne suspicax.

436. Ne-

I N T R O D U C T I O

436. *Neminem contemnere videaris, non vultu, non verbo, non facio aliquo.*

437. *Si inferior es, quis superiorum ferat se contemni abs te? sin maior, irritus, & auertis minorem contemptu.*

438. *Intolerabilis est contemptus, propterea quod nemo videtur sibi tam vilis, ut contemptum mereatur.*

439. *Multi laborant, ut à contemptu se vindicent, sed plures, ut de contemptu.*

440. *Nec quisquam tantus est, quem non aliquando fortuna indigere minimis cogat.*

441. *Præter hæc omnia, nullus est contemptibilis, quem Deus filium dignatur, nisi in hoc Dei iudicium contemnas.*

442. *Et sæpe, quem homines contemptu dignum putant, si perferutarentur, veneratione & adoratione dignissimum comperirent.*

D E V E R B I S.

443.

LINGVAM dedit Deus hominibus, ut sit instrumentum societatis & communionis, ad quam natura hominem homini conciliat.

444. *Hæc magnorum & bonorum & malorum est causa, prout vitæ. Scitè Iacobus Apostolus assimilavit camelam navis. Freni sunt illi iniciendi, & cohibenda, ne vel alijs noceat, vel sibi ipsi.*

445. Nul-

A D S A P I E N T.

445. Nullum est peccati ut facilius instru-
mentum, ita nec crebrius.

446. Nemini convicium feceris, neminem
execreris, nemini noceto, non modo in re, sed nec
fama atq; existimatione.

447. In neminem petulantius, aut procacius
debaucheris, vel effusius ac immoderatus inue-
hære, etiam laceratus & latus, magis enim te &
apud Deum, & homines cordatos lades, quam
illum ipsum, cui maledicis.

448. Convicium convicio regerere, est lutum
luto purgare.

449. Minitari, muliercularum est, nec pro-
barum.

450. Ne sis tam tener, ut verbulis transuer-
bereris.

451. Nec fecundiam exerceas caninam, nec
diserti laudem affertes in alienam contumeliam,
in quem infantem & mutum esse satius est.

452. Alios reprehendere ne sis sollicitus, hoc
cura, ne sit quod alij possint in te merito ta-
xare.

453. Verum reprehendens ne utare acerbi-
tate, aut atrocitate vlla verborum, fac ut ob-
iurgationis amarori aliquid admisceatur dulce,
quod plagam leniat, si quam facis.

454. Modo ne fructus percat reprehensionis,
dum rem studes nimium nutigare, neu in assen-
tationem prolabaris.

455. Af-

I N T R O D U C T I O

455. *Affentatio deforme viciū: turpe illi, qui dicit, perniciosum ei, qui audit.*

456. *Nec putes rem ullam esse tantam, ut à recto & vero propter eam sustineas deflectere, non hoc abs te opes, non vllæ necessitudines, non preces, non minæ, non mortis metus, & certum periculum extorqueant.*

457. *Sic tibi & auctoritatem parabis, & fidem, ut oracula putentur esse, quæcunque dicas, aliter despicieris, & indignissimus indicaberis, qui vel audire.*

458. *Sermone vitior modesto, civili, comi, non aspero, non rusticano, vel imperito, sed nec accuriato aut affectato nimis, ne, cum loquendum sit, ut intelligamur, sermoni tuo interprete sit opus.*

459. *Nec contumeliosum vsurpes sermonem, aut reprehensorium, aut rigidum: sed neq; blandum, aut fraciū, aut adulatorium.*

460. *Est quiddam mediocre, quod nec suam dignitatem amittit, nec alienam tollit.*

461. *Lascinia & spurcicies à sermone extirpanda, ut à cibus venenum.*

462. *Nec celeritatem in loquendo nimiam suscipias. nec aut cogitationem prauertant verba, nec respondeas, antequam qua de re agatur, plenè intellexeris: & quid ille, cui respondeas, dixerit, senseritq;.*

463. *Rarissimum debet esse illud Ciceronis:*

Quic-

Quicquid in buccam: & meritò soli Attico dilectum. At nescio an vsquam admittendum, cum inter amicos cauendum sit, ne quid dicamus, quod amicitiam dirimat, aut laedat.

464. Quàm turpe illud & periculosum: Lingua quo vadis?

465. Christus Dominus noster, sciens eloquacitate plurima oriri mala, & illa inprimis pugnant cum capite legis suae, rixas, discordias, simulas:

466. Ad circumspectionem loquendi interminatus est; De omni verbo ocioso, quod homines fuerint locuti, reddituros eos rationem in disquisitione illa mundi.

467. Iccirco Psalmista inquit: Pone custodiam ori meo, & estum circumstantia labijs meis.

468. Ne sis in sermone immodicus, ac ne multus quidem, neque audiri velis solus, est enim in loquendo vicissitudo, etiamsi cum imperitissimis agas, aut vilissimis. Sed nec adeo rarus aut tardus, ut ipse te auscultare existimeris, ut pascere, quod iungula tua verba singula illi rogi videantur.

469. Inter prudentes praestat audire, quam loqui, sed est locus, ubi tacere tam est vitium, quam loqui, quando non oportet. Nulla voluptas est tanta, qua comparari queat colloquio prudentis hominis, ac diuersi.

470. Ne sis nimis percentator, est enim molestum

INTRODUCTIO

Iustum & odiosum. Nobis & illud Horatii :
Percontatorem fugito, nam garrulus i-
dem est.

471. In differendo ne sis contentiosus, aut per-
tinax. Si verum audias, hoc protinus silentio
reuerere, illiq; tanquam diuina rei adsurgito.

472. Sin non audias, nihilominus concede hoc
vel amico, vel modestie tue. praesertim tibi nul-
lum neq; probi mores detrimentum accipiunt,
neq; pietas.

473. Supernuacanea est contentio, si non assit
proficiendi spes.

474. Irrrogantiam & iactantiam, aut super-
biam & fastidiosam auctoritatem non ferunt ho-
mines, ne in maximis quidem viris, & omnem
laudem meritis.

475. Ne verbis quod scis ostentes, sed rebus
te ostende scire.

476. Nec quicquid est iucundum tibi dicendi,
idem credideris esse alijs audientibus.

477. Caue ne quid facias, quod securus non
sis, nisi celetur, sed si fecisse contingat, nemini
detexeris. Quod taceri vis, prior ipse taceas,
sin detecturus es, vide etiam atq; etiam cui. Ar-
canum quid aut celandum, maximè amico cum
committis, caue ne iocum admisceas, ne ille io-
cum vt referat, occultum retegat.

478. Tibi verò arcanum creditum accurati-
us & fidelius custodi, quam depositam pecuniā.

479. Ni-

479. Nihil erit in humana vita tutum si sol-
latur secretorum fides.

480. Si quid promiseris, prastā, etiamsi res sit
ardua in primis, & difficilis, saltem ut obliga-
tam alteri tuam fidem soluas.

481. Si quid tibi sit promissum, ne exigas, a-
crior semper in te iudex, quam in alios.

482. Dissimulare debet te, homines habere
sensum, rationem, mentem, iudicium, ne scires
te illis posse persuadere, maleficia esse benefi-
cia, aut contra: nec falli posse rebus simulatis, tectis,
fucatis, adumbratis, quæ tandem produnt se,
& sunt tanto fadiore ac iniustiores, quanto
prius occultiores fuerant.

483. In fideis enim animis accipimus ea, quibus
sumus decepti.

484. Ideo consultius est omnia esse aperta,
nulla, simplicia.

485. Nam etsi aliquando veritas initio odio-
sa sit, deinceps tamen nulli est amabilius aut
gratius.

486. Laborat aliquando veritas, nunquam
opprimitur.

487. Nec mendacij utilitas solida est, ac diu-
tina, nec veritas damna diu nocet.

488. A mendacio tanquam corruptela qua-
dam ab errore nihil est tam humana conditio-
ni alienius, ut quod illam prout a Deo japa-
rat, Diabolo similem, ac mancipium sit.

489. De-

INTRODUCTIO

489. Deinde seu tardè , seu celeriter mendacium deprehenditur , vertiturque mentienti in turpem ignominiam.
490. Quid despectius aut vilius mendace ?
491. Si mendacem te norint , nemo credet tibi , etiamsi affirmes verissima.
492. Contra , si veracem , maiorem habebit fidem natus tuus , quàm aliorum sanctissimum iusiurandum.
493. Si non vis loqui repugnantia , si vis inesse verbis tuis constantiam , nihil opus est memoria , aut arte alia , quàm vt dicas semper , quod credis verum esse.
494. Verum vero consentiens , falsum nec vero , nec falso.
495. Sed si vis in opinione tua verum inesse , ne facile credas nisi comperta , vel magnam veri faciem præ se ferentia.
496. Ne sis suspicax. Unde illud sapienter dictum : Si vis esse verax , suspicax non eris.
497. Mijerum illum , qui id egit , unde extricare se non potest , nisi per mendacium.
498. Iurare ne consueſcas. Sapiens enim ait : Vir multum iurans replebitur iniquitate , & non recedet à domo eius plaga.
499. Et Dominus in Euangelio suo vetat nos penitus iurare , tantum affirmare , ita est ; aut negare , non est.
500. Magna est Dei reverentia non illum pas-

sim, au-

sim, aut facile testem adducere. Non hoc debet, nisi ab inuito & coacto fieri.

501. Qui facile in serijs iurat, in iocis iurabit, qui in iocis, & in mendacio.

502. Si qui tibi credituri sunt, a què iniurato credent, ut iurato: si non credituri, magis etiam, si iureiurando auertentur.

QVOMODO HOMI-
nibus vtendum.

503.

INTER homines est aliquod faciendum discrimen. Sunt enim ex ijs alij domestici, alij noti tantum, alij ignoti.

504. Domesticos voco, consanguineos, affines, & quibus cum in eadem domo & familia degis.

505. Omnes sunt diligendi, etiam in ignotos talem te ostendes, ut sentiant te in uniuersum toti generi humano amicum esse, omnibusq; bene cupere.

506. Non tamen te eundem praeftabis cunctis, ut lineam albam in albo saxo. Alios adhibebis consilijs, alijs pareois & obsequere, alios reuerberis ac coles, alios gratiam referes, si quod ab eis tuleris beneficium, & us potissimum querit opera vsq; es vili tibi, aut diligentia, aut sceli.

507. In quo animus pro opere computandus est, non in multo peiore loco videatur esse, qui

E

cona-

I N T R O D U C T I O

conatus est, qui voluit prodesse, quàm qui p'suit.
508. Operam si accepisti, ne sis minus de red-
dendo & compensando sollicitus, quàm si pecu-
nias mutuas.

509. Nec pates minus esse operam dedisse, dun-
taxat honestam, & à sincero profectum animo,
quàm pecuniam, quin hoc maius, quo cuiq; cor-
poris quàm externa charius debet esse. Ne expe-
ctes, dum necessitates ad te suarum familiaris de-
ferat, tu illas adorare, sed eis vnicò subuenias.
Honestis precibus occurrere, & antequam ore-
ris, exorare.

510. Parentes non amabis solum, sed secun-
dum Domini vnicè venerabere, illorum iussis tan-
quam diuinis imperiis obtemperabis.

511. Persuasus id quod res habet, illos vicem
tibi referre in terris Dei, nec te vel chariorem
cuiquam esse, vel maiori cure.

512. Tui proximi sunt preceptores, padono-
mi, tutores, deniq; quibus commendata est mo-
rum tuorum cura, quis nūc est in homine pre-
ciosius, aut prestabilius.

513. Illos, velut alteros parentes, ama & re-
uerere, his modestè, imò cum alacritate quadam
pare, repugnans quæcumq; precipiant, non ad sua
illos referre commodà, sed ad tua.

514. Quod cum tua sit, possimam tu illis grati-
am redderes, si ubi ipse commodis tuis intentissi-
mi sunt, tu eis odium aut contumaciam pro tali
beneficio reponeres.

515. Cre-

515. Crede te illi esse charum, à quo amice reprehenderis.

516. Nec unquam reprehensionem obesse, vel inimici: nam si vera obicit, ostendit quod emendemus: sin falsa, quod vitemus: ita semper vel meliores reddit, vel cautiores.

517. Quos familiares tibi facturus es, explora prius, quibus sint moribus, & quemadmodum se cum alijs amicis gesserint, ne te postea necessitudinis poeniteat.

518. Ne familiaris illi fias, cuius familiaritatem bonus vides auersari. Eos etiam viti, qui non te amabunt, sed tua: quales sint parasiti, & quorum consuetudine, ac tanquam afflictu vel peior fies, vel labem aut periculum contrahes. Illos quoque qui amicis felicioribus invident: tum qui iocorum stulti, si, nihil pensi habent in vitam & maximè arcana amicorum ludere, ac dicta dicere, aut innata loquacitate reticenda cumprimis effutunt: sed illis potissimum, qui ob leuem rixulam gravissimas inimicitias cum charissimis suscipiunt, acriusque eos vlciscuntur, quos aliquando amarunt, quam quos semper oderunt, barbarica quadam persuasione, minus ferendam esse inimiciam, quae sit ab amico, quam quae ab inimico, in quo se ostendunt nunquam amasse, alioquin non putarent se tam cito in hos eiusmodi praesent inimicos, aut certè ignotos habere, quam amicos.

I N T R O D U C T I O

519. *Eslo in admittendis ac familiaritatem cunctantior, in retinendis semel admissis constantior.*

520. *Familiares elige, non placituros tantum, sed & profuturos, non eos, qui omnia loquuntur ad gratiam, sed qui ad commodum, nec qui suauiter assentabuntur, sed qui verè admonebunt.*

521. *Si consueueris assentatoribus delectari, nunquam verum audies.*

522. *Ex bestiis exitiabiles maximè, inter feras inuidia, inter mansuetas adulatio.*

523. *Quàm amanda sapientia & virtus, tam execranda assentatio, quæ impedit ne illuc perueniamus, dum suadet iam peruenisse, tam diligenda recta admonitio, quæ illuc prouehit, dum quantum supersit, & quemadmodum conficiendum sit, docet.*

524. *Si reprehendi fers agrè, & reprehenda nefeceris.*

525. *Miserum illum qui admonitorem, cum eget, non habet.*

526. *Malorum hominum consuetudinem non secus atque icôos peste deuota, vtrinque enim metuendum contagium.*

527. *Nisi talis sis, qui confidas te posse illos meliores reddere.*

528. *Sed huic fiducia non est nimis fidendum, præsertim quoniam natura nostra in malum fertur prona, ad virtutem autem accliuis est, atque ardua semita.*

529. *Ex-*

A D S A P I E N T.

529. Explora & ipse qui sis, quo loco, qua conditione, nec putes rem ullam esse tantam, ob quam tibi plus, quàm cæteris liceat.

530. Quo tibi plus concedente more licet, hoc minus trahente moderatione libeat.

531. In minores præbe te comem, in maiores reuerentem, in pares facilem ac tractabilem.

532. Sic ut viciosis semper durus, rigidus, inexorabilis.

533. A potentioribus contemni te, ne iniquè accipias: potiusq; id crede fieri fortunæ vicio, quàm hominis.

534. Si quid à minore profisciscatur, quod tibi parum placeat, cogita non id protinus contumeliam esse, sed libertatem.

535. Te etiam nimis esse delicatum, cui leues titillationes, grandes videantur esse plagæ.

536. Nec oportet existimes te solum esse hominem, reliquos pecudes, quibus nec mutire liceat. Homo es, vive a quo cum reliquis hominibus iure.

537. Imò verò, si sapientior es, si melior, hoc indulge, hoc concede magis de iure tuo cæteris, tanquam imperitiis, aut imbecillioribus: tibi verò minus velis ignosci, cui tantum robur sapientia & virtus attulere.

538. Si virtute non excellis, cur postulas videri alijs potior? si excellis, cur affectibus moderandis non plùs quam vulgus præstas?

I N T R O D U C T I O

539. Iniuriam accipere, quàm facere : decipi, quàm decipere, satius & præstantius : quod nec humana ignorauit sapientia, vt Socrates, Plato, Aristoteles, Seneca.

540. Memineris humane imbecillitatis esse falli, errare, nec te graniter aliorum delicta offendant, præsertim aduersum.

541. Ignoscere, generosi pectoris : iram retinere, atrocis, sæui, degeneris, vilis : quod & natura in mutis animantibus ostendit.

542. Cumq; Deus nihil vel crebrius faciat, vel libentius quàm ignoscere, quis est tam demens, qui negare possit illud esse pulcherrimum atq; excellentissimum, quo tam propè ad naturam illam accedimus summi & præpotentis Dei?

543. Eris in homines talis, qualem cupis Christum erga te.

544. Et est profectò æquum, vt eam tu des hominibus veniam, qua in eisdem delictis, aut alijs non paulo leuioribus ipse eges.

545. Nulla oratio præstantior, aut efficacior apud Deum illa, quam edocti sumus ab eius filio Christo Domino, quæ iccirco Dominica nominatur.

546. At illam non potes verè ac puro animo dicere, nisi tot peccata homini condonaris, quicquid ipse condonari tibi a Deo petis.

547. Hac lege remittitur nobis ingens debitum, si nos exiguum remittamus.

548. Quic-

548. Quicquid vnquam homo in hominem peccauit, minutissima pars est eius, quod quibus hominum singulis momentis in Deum peccat, nimirum tantum, quanto maior & excelsior est homine Deus.

549. Si cui es iratus, fac iuxta monitum Apostoli, ne sol occidat super iram tuam.

550. Concessurus cubitum, omnes ex animo rixas, iras, offensiones, cupiditates, sollicitudines depone, vt composito & tranquillo animo placidissime te quieti tradas.

551. Cui semel ignoueris, cura vt ille sentiat bona fide id esse actum vt nec ipse iniuriarum memineris, & te experiatur amicum, si qua in re inuare aut commodare illi potes.

552. Affectus iniuria, caue ne ultionem tuis manibus de quoquam sumas, nec eam ulli mortalium mandes, non est tibi ius in seruum alienum, imo in conseruum tuum. Domino tuo iniuriam facis, si non illi cognitionem relinquis de conseruo tuo.

553. Atqui Deus est omnium Dominus, vniuersi sumus eius serui. Sit satus, te questum, ac ne queraris quidem. Oculi Domini singula inuoluunt, & inuata sacrum rerum, ipse nouit & facientem iniuriam & patientem.

554. Idcirco sic ipse omnibus edixit: Mihi vindictam, & ego retribuam.

555. Nam cum in animo sit iniuria, non in

I N T R O D U C T I O

facto, solus Deus scit, qui fuerit animus, & quod ei debetur supplicium.

556. Plerumq; putamus eam esse iniuriam, quæ non est: ut sunt nobis affectus nostri nimis chari, qui non sinunt nos singula ritè examinare, sed ad indicandum transuersos vi sua rapiunt.

Q V O M O D O S E Q V I S - que geret erga seipsum.

557.

CONVENIT te non charum modo esse tibi, sed etiam venerabilem præbere, ut pudeat te tuipsius aliquid facili vel ineptè, vel imprudenter, vel impudenter, sceleratè, flagitiosè, sceleratè, nefariè, impiè.

558. Pluris facias iudicium conscientie tue, quàm voces omnes ingentis multitudinis, quæ imperita & stulta est: ignota temerè ut probat, sic & damnat.

559. Conscientia est, quæ turbata maximos affert animo cruciatus: tranquilla, maximam beatitudinem, cui nullæ opes, nulla possunt regna comparari.

560. Hoc est, quod Dominus in Euangelio pollicetur suis, multa plura etiam in hac vita recepturos eos, quàm quæ pro se repudiarint.

561. Fama nec profutura malo, nec laesura bo-

WILL.

562. Mor-

562. Mortuus quid plus referes de fama, quam pictura Apellis laudata? aut equus in Olympia vicior? nec vino quidem prodest, si eam ignorat: sinouit, nihil affert aliud, nisi ut sapiens contemnat, insipiens sibi magis placeat.

563. Conscientia verum, & solidum, & duraturum reddit testimonium, plurimum in illo Dei iudicio valiturum, vitaq; huius magna est magistra, & , quemadmodum scitè ille dixit, Murus abencus, quo & tuti agimus inter innumera vita pericula & securi, nec ullus est tantus error, qui eum commoueat, est enim mente defixus Deo, illq; fidit vni, ac ei se nouit peculiari esse curæ, cui scit parere vniuersa.

564. Turpe est alijs notum esse, ignotum sibi.

565. An non tibi sufficit, te & tibi notum esse: & (quod maximum est) Deo?

566. Qui tamen numinis curam abiciunt, ut audacius & securius peccent, ij dupliciter sunt mali, quod nec homines reuerentur, nec Deum.

567. Et in conscientiam iniuri sunt, quam derident, ac deludunt tanquam ob id spreuerint famam, ut se conscientie jura liberius vindicarent, quæ hac de causa effusius delinquit, quod nullo metu coercetur.

568. Hoc est amare se, conari, laborare, magnis precibus à Deo petere, ac contendere, ut excellentissima nostri pars ornata atq; exulta sit veris germanisq; ornamentis, nempe religione.

INTRODUCTIO

569. Non is amat se, qui opes, qui honores amat, qui voluptatis deniq; quæcunque siue extrinsecus sunt, siue in corpore: cum potissima hominis pars sit mens.

570. Nec amat se, qui ignoratione sui seipsum fallit, vel falli se ab alijs patitur: interdum gaudet, cum ea sibi persuadet inesse bona, quæ nulla insunt.

571. Hic non est in homine amor sui, cum ipse sit animus: sed amor corporis inconsultus: cæcus, ferus, perniciosus sibi & alijs.

572. Quem non iniuria caput esse, ac originem malorum omnium Socrates pronunciauit, quippe tollit charitatem mutuam, vnde in genere humano mala omnia nascuntur.

573. Nimirum qui se hoc modo amat, is nec alienum amat, nec ab alio amatur.

574. Superbus mitibus discors, superbus multo etiam magis.

575. Seruator noster breui declarat documento, quia sit amare se, quid odisse: Qui odit, inquit, animam suam, nihil illi in rebus istis fortuitis aut perituris indulgendo, is verè amat eam, & saluam cupit: qui verò amat indulgendo, is odit, is vult perditam.

576. Laborem pro aeterno & cælesti premio, quis nisi amens refugiat? cum nec caduca hæc & fragilia citra laborem acquirantur.

577. Hæc est lex eorum, quibus pater est
Adam,

AD SAPIENT.

Adm, vt laborent : hac eorum execratio; quibus mater Eva, vt affligantur.

578. *Quantò prestat amiti, vt maxima merces opera nostra queratur, quàm exigua, vilis, & euanda ? atq; hinc sempiternus cruciatus & mæror.*

579. *Quid quod facilius & tutius, & securius, ac proinde iucundius leniusque est, bene agere, cum peccatum timoris & sollicitudinis sit plenum ?*

580. *Peccatum hominis mors, vt iugulare seipsum videatur quisquis peccat, abducit enim se a Deo vita nostra, & à quiete conscientie sue, qua nihil est beatius.*

581. *Peccati sordes abluēs lachrymis, penitentia, & inuocatione diuinæ clementiæ, multum huic confusus.*

582. *Occasio omnis peccandi & caussa, intentissima cura vitanda est. Sapiens ait : Qui amat periculum, peribit in eo.*

583. *Et imminet semper occasione sue Diabolus, per quem nunquam nobis licet securis agere.*

584. *Semper est cum eo belligerandum, vt verò Job dixerit : Militia est vita hominis super terram.*

585. *Et cum sit hostis tam potens, robustus, raser, tam callidus, veteranus, exercitatus, tot vires habeat, tot strategemata nulla ratione,*

I N T R O D U C T I O

aut arte, aut vi nostra propria possemus pares illi, nedum superiores è conflictu excedere, iccirco diffisi nostris copiis, ad Deum accurrendum est, ad opem implorandam.

586. Hac causa Dominus ac Magister noster suis illud subinde præcipit, crent & religiosi affectibus à patre omnium petant, ne in tentationem ducantur, hoc est, in prælium, quo manus cum Diabolo conserant.

587. Et in oratione, quam ipse nos docuit, illa est coronis: Et ne nos inducas in tentationem, sed libera nos à prauo illo insidiatore.

588. Sic ergo agamus semper, tanquam in acie armati, vigilantes, accincti, intenti, occasionibus nostris non indormientes, & cum tanta sit vita fugacitas, in tanta incertitate, ut ne crastinum quidem possit sibi quisquam polliceri stultum est & periculosissimum, si spes nostras in longum tendamus, differamusque nos adornare futuro iuveni, quo singulis momentis vocamur, inper quando (velimus nolimus) in illud pertrahemur. Quamobrem paremus nobis thesaurum ad futuram vitam, cui aliquid quotidie accrescat, quo instructi & confisi, nunquam per seueritatem aut sicordiam inopinantes opprimamur, aut discuamus masli, sed parati abire, & vite huius pleni, agentes præ nobis magnam & optimam spem vite, innocentes sanctæque transactæ per fidem filij Dei & pietatem, quam

A D S A P I E N T.

nos edocuit, quo munere nullum potuit homini
à Deo maius aut pulchrius dari, quo Deum no-
scimus, & quantum effici à mortali potest, amu-
lamur, sequimur, consequimur.

589. Sine hoc quid est homo aliud, quàm im-
mortale pecus?

590. Ut unus dies humanæ vitæ præferendus
est longissimæ ætati corui, aut cervi, ita dies v-
nus ex religione æctus, hoc est, diuinæ vitæ, toti
æternitati sine religione anteponendus.

591. Hæc est vitæ æterna, inquit Christus Do-
minus, ut cognoscamus patrem, & quem ille mi-
sit Iesum Christum.

592. Hic est cursus absolute sapientiæ, cuius
primus gradus est, nosse se, postremus, nosse De-
um.

Regi seculorum immortalis, & inuisibili,
soli Deo, honor & gloria.



EPISTOLA.

IOAN. LVDOVI-
CVS D. MARIE CAM-
BRIÆ PRINCIPIS HEN-
RICI VIII. Angliæ re-
gis filix, S.

SOLITVM est principibus adhiberi
satellitium, quod pro custodia corpo-
ris & vita filiorum perpetuò excubet, re-
cepto magis more, quàm sapienti aut
probo, cum principes eo ipso metum su-
um ~~resistentur~~, qui verè ex conscientia na-
scitur, nec vlla certior custodia sit, aut fi-
delior quàm ~~innocentia~~, & populorum
amor, qui non armis aut terrore extor-
quetur, amore, fide, diligentia, cura com-
munium commodorum elicitur. Nec im-
meritò laudata est Agasicles Lacedæmo-
num regis sapientissima vox, posse quem-
vis sine satellitio regnare, qui sic subditis
~~imperaret, ut filijs pater~~. Sed si consue-
tudo tot annorum vsu comprobata, tolli
tam subito non potest, ne custodibus cor-
poris istius careas, parentes tui curabunt.
Ego verò à matre tua, inclyta & sanctis-
sima fœmina, rogatus, satellitium cir-
cumdabo animo tuo, quod te securio-
rem ac tutiorem præstabit, quàm hastati
aut sagittarij quicunq;. Nam hæc corpo-
rea

EPISTOLA.

rea custodia, corrupta nonnunquam vel
 precio, vel metu, vel delicijs, imperato-
 rem suum aut deseruit, vt Neronem: aut
 prodidit, vt Galbam: aut etiam occidit,
 vt Pertinacem. Hi abs te semel bona fide
 assciti, pectora sua pro salute tua aduer-
 sus imperus assultusq; & insidias omnes
 obijcient. Est enim maius animo peri-
 culum à viribus & altu viciorum, quàm
 corpori ab externis aut intimis simulta-
 tibus: quantò cuiq; charior esse debet a-
 nimus quàm corpus, & viciorū callidiores
 insidiæ atq; occultiores & eorum tyran-
 nis grauior & interitus animi acerbior
 & terribilior. Accipies igitur Satellites
 ducentos, aut paulò plures, quos sic tibi
 facies familiares, vt nec noctu, nec inter-
 diu, nec domi, nec in publico sinas à tute-
 la tui vel latum vnguem discedere. ne his
 aut certè similib. dentitota, prædæ sis dia-
 bolo: qui, vt Petrus ait, tanquam leo ru-
 gians circumit, querens quem deuoret.
 Symbola appellauī, quasi notas quasdam,
 cuiusmodi vetus mus erat principibus se
 insignire, quod & fit hodie. Sed latius res
 patuit, ad vulgum etiam progressa: vnde
 tanquam ex stulticiæ fonte manarunt illa
 stolidæ cuiusdam arrogantia, quæ hoc
 tempore principes vlturgant, indigna
 non

EPISTOLA.

non modo Christianis, sed etiam gentilibus: quibus illi omnibus minantur, omnes terrent, & sibi ipsi plus tribuunt, quam homini est concessum, maioremque in potentia sua fiduciam collocant, quam in Deo. Intelligi potest de quibus loquar, nec mihi explicatius quicquam dicere necesse est. Eiusdem ferociae sunt insignia leonum, ursorum, pardorum, luporum, serpentum, draconum, molossorum, aquilarum, vulturum, gladiatorum, ignium, & huiusmodi, tanquam pulchrum & magnificum, & verè principe dignum sit, talis esse ingenij, qualis sunt illa, atrocis, rapacis, saevi, cruentique. Quantom praestaret aliquid pro insignibus ostendere. quod humanitate, comitate, lenitate, dulcedine alliceret, atque inuitaret? aut grauitatis & praestantiae magnitudine ac maiestate detineret? Porro symbolorum haec est lex, ut sententiam absoluant verbis ad summum quinq; , & quo breuiora sunt, hoc venustatis plus habeant: quale est illud Augusti, *Matura*. Obscuritatis aliquid, & allegoriae symbolum condit, ut paulum à naturali sensu deflectatur: modo ne tanta sit, quanta Pythagoras est usus, & ab intelligentia dictorum suorum arceret imperitos, qui symbola sua longissi-

E P I S T O L A.

gissimè verbis abduxit illinc, quò sensus
 spectabat: adeo vt Tyrthenos induxerit,
 illis circa omnem allegoriam parere, cum
 eam non assequerentur. Idcirco & expo-
 sitiunculas addidi, breues quidem rei ar-
 gumenro sed in hoc tantum, ne te in mul-
 tis ambiguitas vel remoraretur, vel falle-
 ret. Mihi pro hoc Satellitio nolo stipen-
 dium aliud numerari, quam vt lex Christi,
 vnde sunt nobis hæc desumta, vtiq; vo-
 luimus, in tota vita atq; actionibus tuis
 regnet: magno exemplo priuatarum, si
 talis sis princeps ipsa, quod facile conse-
 queris matris tuæ imitatione. Homini
 enim Christiano, quod potest amplius
 præmium, aut præstabilius in hac vita
 contingere, aut ad futuram fructuosius,
 quam videre rectas suas admonitiones
 non irritas cecidisse? & opera sua au-
 ctam aliquorum pietatem? Impertiat ti-
 bi Dominus Iesus spiritum suum, vt & fe-
 licissima quam diutissimè viuas, & for-
 tunis omnibus probitatem antepo-
 nas. Brugis ad Calend. Quinti-
 les. M. D. XXIIII.

S A T E L L I T V M.

1. Scopus vitæ Christus.

Sit hoc primum symbolum, tanquam felix auspiciū ceterorum, quo monemur, omnia referenda in Christum, & in eum dirigenda, ut iaculantium sagittas in scopum.

2. Pax Christi.

Hæc est, quæ in totum hominem placidissimam concordiam & quietem inuehit, ne quid in ipso tumultuetur, nec cum alio intus aut foris pugnet, vel dissentiat.

3. Murus aheneus sana conscientia.

Impenetrabilis est enim, & qui maximè hominem tutatur ex Horatio: Hic Murus aheneus esto, Nil conscire sibi, nulla pallescere culpa.

4. Felicitas vnica, intus nil strepere.

Fons humanæ felicitatis & miseriæ in animo est, qui si tranquillus sit, suauissimè agimus, si commoueat, insuauissimè, ut si fons turbetur, cæciosa est aqua, si quiescat, liquida & gustui grata.

5. Bonis omnia in bonum.

Homo probus & sapiens, quæcunq; siue bona contingant, siue mala, ad suam vtilitatem vertit dexteritate sapientiæ, Deus etiam omnia, quæ dat charis sibi, conuertit in salutis instrumentum, sicut Paulus inquit, Diligentibus Deum omnia redeunt in bona.

6. Suspicionibus securis.

Non indulgendum suspicionibus, non leniter auertenda, sed securibus rescindenda.

7. Vic-

S A T E L L I T I V M

7. Virtus instar omnium.

Nulla enim re ad bene viuendum indiget, qui eam habet, quod Stoici senserunt, & id sentire Christianos magis decet.

8. Virtus citra fortunam valida.

Et hoc ex Stoicis & Christianis.

9. Tibicen fortunæ virtus.

Infirmi sunt sine virtute, quacumq; vel exterius contingunt, vel corpori, ideo sustentaculum fortunæ est virtus, hoc enim in adificijs est tibicen.

10. Sanus intus & exterius.

Iuuenalis ex Socrate: Orandum est, ut sit mens sana in corpore sano.

11. Antidotorum vitæ patientia.

Horatius, Cuius dolori remedium est patientia, hoc est verum antidotum contra tot venena huius vitæ, quibus undique intrinsecus & extrinsecus inuadimur.

12. Sal vitæ amicitia.

Insulsa est enim vita sine amicitia, & maxima quaq; oblectamenta insuauia, ut Cicero in Lelio declarat.

13. Oculus vitæ sapientia.

Sapientia est rerum humanarum & diuinarum noticia, qua sublata, ceca esset vita nostra, & in densissimis tenebris desituta.

14. In virtute oculi & manus.

Insufficienda enim virtus, & agenda.

15. Multi nimum, nemo satis.

S A T E L L I T I V M.

Habent, intellige. Ex Seneca: Fortuna multum nimium dedit, nemini satis. Nam multi quum plus quàm sufficit, aut oportet possideant, nondum tamen videntur sibi habere satis, quod ad cupiditatem vivunt, qua insatiabilis est.

16. Satis hoc contento.

Nihil tam exiguum, quod non sufficiat ei, qui amplius non requirit.

17. Satis relicturo.

Quid inuat tam multa congerere, aut tam anxie custodire, cum, velimus nolimus, relinquenda sint.

18. Intus quàm exterius formosior.

Vera pulchritudo est in animo, ideo Stoici solum sapientem vocabant pulchrum, Cicero 3. de Fin. & Socrates apud Platonem in Alcibiade de Virtutibus optabat, ut intus pulcher efficeretur.

19. Intus quàm exterius ornatio.

Ornamenta interiora sunt virtutes, eruditio, acumen, quæ excellentiora sunt vestimentis, aut formæ corporis.

20. Harmonia interna.

Ut mihi ab alio dissonet, sed sit concentus in animo dulcissimus, hanc veram esse Musicam dicebat Socrates.

21. Velle instar omnium.

Apud Deum sufficit velle, & gentiliū sunt illa celebrata, si desunt vires, tamen est laudanda voluntas. Et, Voluntas pro facultate.

22. Na-

22. Natura quis pauper?

Nulli potest deesse, quo se sustentet, sic enim prouidit natura, ut facile suppetat animantibus alimonia, modo ne quis putet, se non posse vivere sine pane siligineo, & pisciculis ex mari. Acgeo aduectis, aut auiculis multo parandis, panis & aqua vite sufficit, interim solum olus.

23. Opinione quis diues?

Nemo est humanis opinionibus diues, quæ in immensum nostros usus auxerunt, ut nemo tam habeat multa, cui non aliquid deesse videatur, quo sit, ut diues non sit, cum aliquid requirit amplius. Ita, si errorem communem recipimus, nec sua opinione quisquam erit diues, nec aliena.

24. Nec malum, nec frontem.

Nec mali quid feceris, reueritus Deum, nec quod malum æstimetur, reueritus homines, tum ne alios offendas, aut exemplo sis ad malum.

25. Sapiens solus longæuus.

Vita enim stultorum non est vita. Ea demum est vita, quæ per sapientiam agitur. Ita præferendus est unus dies sapientis longissimæ æternitati stultorum, ex Cicerone V. Tusculanarum quaestionum.

26. Nocere promptum, ut pessimum.

27. Prodesse securum, ut optimum.

Nihil est tam inuicillum, aut tenue, quod non possit aliqua ratione, sed prodesse difficili-

S A T E L L I T I V M.

num, non est hoc cuiusvis. Et nocere pessimum, nempe diabolicum: prodesse verò, utpote diuinum, praestantissimum, ideo nemo explicare debet vires suas nocendo, cum aranei morsus possit hominem necare, sed iuuando, quod rarum est & pulcherrimum, diuinæque naturæ cognatum.

28. Pauper egens, non carens.

Non est pauper qui caret, sed qui eget, qui desiderat. Socrates forum ingressus, Quam multus, inquit, ego non egeo.

29. Alienis lachrymis cautior.

30. Alieno risu latior.

Non est gaudendum alienis malis, sed danda opera, ut illis fiamus cautiores, ne in illorum causam incidamus, nec inuidendum alienæ lætitiæ, sed gaudendum, tanquam si tibi contigisset.

31. Cor canum in iuuenili corpore.

Ut sit prudentia senilis in iuuentute, cor enim sedes est ingenij et mētis, unde cordati homines.

32. Pedica nimia fiducia.

Decipitur facile, quisquis nimium fidit alijs, sed potissimum, qui subipse, ne virtuti quidem suæ, unde facile nascitur arrogantia, & vanitas, quæ sapissimè virtutibus succrescit.

33. Columbi oculus in serpentino corde.

Hoc ex Euangelio: Estote prudentes, ut serpentes, & simplices sicut columbæ. Decet enim

nos corde sapere, sed oculo in iudicando vti minimè maligno aut vafro.

34. Oculus in scepro.

Nulla virtus magis decet principem, quàm prudentia. Quid enim aliud est potentia in stulto, quàm gladius in manu furentis? Istud sumtum ex Hieroglyphicis Aegyptiorum.

35. In virtute delphinus.

Narrant nullum animalium celerius esse delphino. Admonemur, nō debere nos differre bene agere, sed vti in eo aggrediēdo magna celeritate.

36. In vltione Callipedes.

Suetonius in Tyberio refert, hunc seu hominem, seu animas aliud, cum diem totum se commouerit, non promouere tamen cubitum vnum, vt tarditas illa in prouerbum venerit. Significat symbolum, lentissimos debere nos esse in vltiscendo.

37. Temporis minister.

Allusio ad vetus oraculum, Tempori pare: de quo Plato, & Cicero, & Seneca. Accommodare se debet vnusquisq; tempori, nec speret, coacturum se tempora, vt suis rebus seruiant: ipse potius praesenti rerum statui subseruiat.

38. Tempori parcus dispensator.

Et istud vetus: Tempori parce. Nihil carius debet nobis esse. Quippe nihil aliud est tempus, quàm vita, quam vnusquisque tantum se amare proficitur, cum nullius rei magis sit pro-

SATELLITIVM.

digus, quàm temporis. Seneca de breuitate vitæ eorum spectat.

39. Magno vendendum tempus.

40. Gloria Crocodilus.

Animal est in Nilo, amne Aegypti: cuius hanc ferunt naturam, vt persequentes fugiat, fugientes persequatur. Sic gloria quarentes fugit, negligentes sequitur. Salustius de Catone: Quo minus gloriam petebat, hoc eam magis assequebatur.

41. Hemerobia vana gloria.

Aristoteles scribit, ad Hippaniam Scythiæ fluiuium nasci bestiolas, quæ ad perendinum diem nunquam perueniunt, quæ hac de causa dicuntur *hemerobidæ* & *hippaniæ*, quasi diaria: sic inanis gloria cito extinguitur, nec diuturna esse potest.

42. Disce viuere.

43. Disce mori.

Utrunque ex aquo discendum, & rectè viuere, & rectè mori. Nemo rectè moritur, qui non rectè vixerit. Hoc est totius vitæ exercitium, vt bene viuamus, nec iniquo moriamur animo.

45. Viue, vt post viuas.

Sic est hic viuendum, vt ad alteram perueniamus meliorem, atq; adeo veram vitam. Nam præsens vita quid aliud est, quàm peregrinatio?

46. Virtus exercetur, non perit.

47. Generosa virtus flatu accenditur.

48. Vir-

48. Virtus inimicitij fortunæ crescit.

Eodem pertinent: Virtutem maiorem fieri aduersis, tanquam materia suorum incrementorum. Medium referri potest, vel ad flatum iratæ fortunæ, vel ad laudem.

49. Extorquet quies.

Nullum imperium grauius aut potentius quicquam, in quo inest plus autoritatis & maiestatis, quam in vehementi ac turbulento. Tale describit Virgilius Aeneid. Ac veluti magno in populo. Et Claudianus de consulatu Manly Theodori: Imperium concitatum, vt multum habet impetus, sic minus virium, citius contemnitur, facilius frangitur.

49. Terret imperium.

De imperio vehementi, quod metum quidem incutit, sed debilitat subditorum vires.

50. Blandum imperium imperiosum.

Maiores enim habet vires, & fortius cogit. Ausonius: Blando vis latet imperio.

51. Domitrix omnium patientia.

Virgilius: Vincenda omnis fortuna ferendo est. Fortuna & casus humani & impetus hominum retunduntur, si opponatur moles patientia, quod ostenderunt martyres nostræ pietatis.

52. Nobilitatem non dat vnus dies.

Nemo est nobilis, quod his aut illis parentibus natus sit, nec fors nascendi, quæ vno die contingit, facit nobilem, sed præclari virtutis

Ætus. Iuuenalis:

*Tota licet veteres exornent undique cera
Atria, nobilitas sola est atq; vnica virtus.*

53. Generositas virtus, non sanguis.

*Ad idem tendit. Inductione ad eam rem vtun-
tur. Quis equus generosus? quis canis? nonne
qui optimus? & sic in ceteris animantibus ac
stirpibus. Ergo & generosus homo non alius,
quàm optimus.*

54. Fortuna nimis blanda hamata.

*Publius in Mimis: Fortuna cum blanditur,
captatum venit. Nulla est alia fortuna quàm De-
us, sed admonemur, non efferri, non fidere cor-
poris ac diuitiarum successibus, hi enim fortune
nomine solent intelligi, nec Deus nos fallit, ipsi
nos fallimus, stultè vtentes rebus.*

55. Fortuna fallacior, quò blandior.

*Quod ego ad moderationem animi Cardinali
Cronio dederam, sed non tam symbolum id fuit,
quàm vaticinium. Nam cum se effusissimè for-
tuna in illius & Ceruiani patrui sinum effudis-
set, repente vtrunque absumpsit, sed Cardina-
lem adulescentem adhuc, alterius & viginti an-
norum.*

56. Stabilissima fortuna stultissima.

*Idem Mimus: Fortuna nimium quem fouet,
stultum facit. Adimit enim mentem, & tantis
successibus insolescit animus humanus, vt iam
nec alios ferre possit, nec se. Memini matrem
tuam*

S A T E L L I T I V M :

tuam sapientissimam feminam dixisse mihi, cum à Sion ad Richemondiam cymba veheremur, se quidem temperatam & mediam quandam fortunam malle, quàm vel asperissimam, vel lenissimam: alterutrum tamen optandum si esset, electuram citius, tristissimam quàm blandissimam: infelicibus non deesse consolationem, fortunatissimis deesse mentem. Quod dictum verè pudici pectoris & sapientis, ego apud multos in hac regione celeberrimum feci.

57. Corpus excors fragile.

Horatius: Robur sine consilio mole ruit sua. Et apud Ciceronem sæpe, Nihil esse vires citra consilium.

58. Cor vel incorporeum firmum.

Consilium magnas per se habet vires, etiamsi corporeæ vires desint, quod ostendit natura in formicis aut apiculis. Salustius: Non viribus, aut velocitate corporis res magna geruntur, sed consilio & autoritate. Eadem est sententia Ciceronis in Catone maiore.

59. Fideli nullæ seræ.

Omnia ei conceduntur, nihil est ei clausum. Theognides: O Cyrne, argento fidelis præstat & auro. Contra, infideli nihil est satis clausum.

60. Autoritas rerum agendarum telum.

Plura perficit autoritas, quàm vires, aut etiam consilia. Declarari hoc potest in principibus, qui

S A T E L L I T I U M.

qui magnas res gerunt, non tam opibus aut sapientia, quàm auctoritate & maiestate. Bella, dicebat Cæsar, fama plurimum confici. Multum quoq; interest quis dicat, honoratus, an inhonoratus, ut ait apud Euripidem Hecuba.

61. Veraci creditur & mentienti.

Propter auctoritatem & præceptam fidem.

62. Mendaci non creditur, & iurato.

Aristoteles interrogatus, quid lucrarentur mendaces, respondit: Ut cum vera dicant, nemo credat.

63. Magnes amoris amor.

Nihil est, quod sic alliciat amorem, ut amor. Martialis: Hoc non fit verbis, Marce, ut amaris, ama. Est naturalis quadam in rebus coniunctio & harmonia, ut nemo illum oderit, à quo diligitur. De hoc Plato, Seneca, & alij.

64. Philtra amor.

Itaq; non est opus alio poculo amatorio ad amorem exprimendum, quàm amore.

65. Magnum satellitium amor.

Claudianus: Non sic exubia, nec circumstantia pila, ut tutatur amor. Salustius: Non arma, aut opes præsidia regi sunt, sed amici. Nemo enim vult nocere ei, quem amat. Simile est quod sequitur.

66. Firmissimæ opes amor.

Non modo impia, sed stulta est etiam in rebus mundanis illorum vox, qui aiunt, omnia in pecu-

SATELLITIVM.

pecunia esse constituta, amorem parum posse, cum videamus maximas opes propter odium subuersas, minimas verò & infirmas amicitias constabilitas. Hinc verbum vetus: Vbi amici, ibi opes. Apud Germanos & Scythas nulla fuerunt olim opes aliæ.

67. Vbi terror, ibi timor.

Necesse est eum timere, qui terret alios. Ex vetere sententia apud multos celebri.

68. Vbi vber, ibi tuber.

Apuleius in Floridis: Nihil quicquam homini tam prosperum diuinitus, datum, quin & tamen admissum sit aliquid difficultatis, ut etiam in amplissima quaq; laticia subit quæpiam vel parua querimonia, coniugatione quadam mellis & fellis: Vbi vber, ibi tuber.

69. Omnia propoluit labori Deus.

Horatius: Nil sine magno Vita labore dedit mortalibus. Et Virg. Labor omnia vincit improbus. Ferunt fabule, Iouem hominibus omnia re-nalia exposuisse, precium esse laborem. Dicere non potest, quantum in re omni valeat quantulacum-que seauitas, ut de formicis scribit Plinius.

70. Immodica imbecilla.

71. Modica firma.

Cum Theopompus Rex Lacedæmoniorum Ephoros regio imperio opposuisset, querenti uxori, quod minorem filius potentiam esset traditurus, quàm à patre accepisset: Atqui firmiorem, inquit,

inquit. Modicum verò, cum mediocre est, tum moderatum. Vtroq; dictum pertinet. Et in omni vita res mediocres iucundiores ac stabiliores sunt, quàm vastæ ac immanes. Unde illud Hesiodi, Dimidium plus toto: quia mediocritas nimietate præstabilior. Et Claudianus: Viuitur exiguo melius.

72. Magnus ope minorum.

Nemo ad magnitudinem peruenit, nisi auxilio minorum: quo grauius est illum infirmiores despicere, quorum adiumento eò euectus est, unde hoc ipsi facere liceret.

73. Vicit vim virtus.

Virtus vt Deo cognata, vires omnes hominum infringit.

74. Strauit fortunam virtus.

Multis exemplis ostensum est, potentiorẽ esse virtutem opibus & casibus fortuitis, vt magni & excellentes virtute viri, humanos casus sublimes & intrepidi calcarint, & quibus opes succubuissent, ea virtus superauit, velut carcerem Socrates, Rutilius exilium, inimicitias potentum Cato, sed atrocissima dictu nostri martyres.

75. Fortitudo in fortunam non homines.

Non est fortitudo cadere, sternere, cladem hominibus asferre, hoc beluarum est non hominum. Vera fortitudo est, vicia cohibere, fortuita

S A T U R N I U M.

tuita despicere, nihil nisi pbitatis timere iactura.

76. Optima, cibus inuidia.

Inuidia non arrodit nisi excelsa & optima :
humilia, abiecta, vilia negligit, non sunt illi resui.
Molestum est, inuidiam ferre, & tamen mole-
stius, nihil habere inuidendum.

77. Inuidia sibi & alijs venenum.

Alia perimit, sed primum seipsam, in ceteris
inuidia est iniquissima, in hoc acissima, quod
& illam tanquam veneno consumit, in quo est,
& eum vlciscitur, quem impetit.

78. Inuidia vipera.

Ferunt hanc edis, arresis matris lateribus, ita
priusquam exeat, matrem perimit. Sic inuidia
primum omnium enecat eum, in quo gignitur,
tum prodit venenatissima fera.

79. Quod Deo, & homini.

Aequum est, nos ipsos voluntati Dei prabere
morigeros, ac obsequentes, nobisq; idem placere,
quod Deo. Ne quis indignetur aut improbet, res
sic aut aliter euenire, cum autor omnium sit De-
us, nos quorum tendant ignari.

80. Da cæcus.

81. Accipe oculatus.

Decet eum qui dat, non meminisse beneficij,
nec multum spectare cui det, certe continuo oeu-
los auertere, ne exprobrare, aut imputare vi-
deatur, aut laudem querere. Eum vero, qui acci-
pit, intueri non tam minus, quam dantem, &
semper

*Semper meminisse gratia. Idcirco fingunt tres esse
Gratias, duas nunquam retrospicere, tertiam
semper priores intueri.*

82. Bonus bonis & malis.

83. Malus nec bonis nec malis.

*Bonus & admirabilis & charus est bonis &
malis: malus verò neutris.*

84. Præsidium in innocentia.

Inter tot vitæ huius pericula, cum reliqua omnia iniuriæ obnoxia sint, innocentia noceri non potest: cum & reliqua fluxa, & evanida, & infirma sint, sola innocentia efficit, ne aliqua violare possimus, nec quisquam alia re magis fidere, aut alia debet comparare suæ salutis munimenta, quis non tutus modo agat inter pericula, sed inter maximos terrores securus. Innocentia humanorum summum, inquit Plinius in præfatione.

85. Matura.

Quod aliter dicitur: Festina tardè, Augusti verbum apud Suetonium Per quod intellige, debere in negocijs gerendis celeritatem tarditati admisceri, nec quicquam nimis properanter agi, nec nimis lente. Hæc duo, verbo unico significari putant, Matura, ut apud Salustium: Nam priusquam incipias, consulto: & ubi consulueris, maturè opus est factò. Quanquam in consultando velim suscipi plus tarditatis, in agendo autem, modo satis graviter deliberatū, plus celeritatis.

86. Ci-

86. Ciconiæ beneficium.

Ciconia hic mos est, ut unum è pullis relinquat ei domui, in qua est nidulata: tum & parentes senio confectos tamdiu & nutrit, & gestat humeris, quam ipsa eis fuerat parvula atq; imbecillis educata: unde ἀντιπαροχὴν. Ita optimè in eam collocatur beneficium, & in homines gratos: qui eius significantur nota, tametsi commodandum est cuiusq; potiss. Quod vulgo nostrates dicunt: benefac, nec spesies cui: sed gratis, potissimum propter exemplum.

87. Comœdia vita humana.

Est enim ceu ludus quidam, in quo unusquisque agit personam suam. Danda est opera, ut moderatis affectibus transigatur, nec cruenta sit catastrophe, aut funestæ, qualis solet esse in Tragediis, sed lata, qualis in Comœdiis, ideo additur:

88. Ne vita Tragedia.

In qua turbulenta & sana sunt omnia.

89. Confide rectè agens.

Neminem metue innocens, nam probo animo nemo potest nocere, & si corpori noceat, hæcienus nocet, ut animam ex eo tanquam è carcere in libertatem emittat, veramq; vitam.

90. Veritas temporis filia.

Verum, quod diu latuit, procedente tempore exillit & apparet, ne quis fidat menando, vel putet in occulto veritatem semper fere. Cicero:

G. Opinio-

S A T E L L I T I V M

Opinionum commenta delet dies, natura iudicia confirmat.

91. Lupus mendacio tempus.

Vorat enim, & absunit.

92. Veritas premitur, non opprimitur.

Laborat verum, sed elucatur tandem.

93. Mendacio comites tenebræ.

Tandem enim obscuratur, tum & amat tenebras, quibus tueatur sese.

94. Veritatis splendor comes.

95. Exilium inter malos.

Non est exilium à patria abesse: sed à bonis, & inter malos agere. Relegarunt Sinopenses Diogenem Cynicum, Et illos relegavi, inquit Diogenes, cum hic Athenis viveret, illi in Pontica barbarie.

96. Ne hilarem insaniam insanias.

Ex Seneca, quum quis mente abiecta, vel submersa, voluptatibus se & delicijs mancipavit.

97. Inter spinas calceatus.

Admonet non incautè agendum inter inimicos, cumq; inimicis septa sit hæc vita, circumspeditione & magna cautione opus est ad eam transigendam.

98. Deum sequere.

Vetus dictum, εἰς Διὸς. Potest sic dici, Deus lux, ut illius & ductui atq; auspicijs te totum in hac vitæ militia permittas, & imperijs obtemperes, & exemplum amuleris.

99. Fa-

99. Fama pluris quàm opes.

Et iucundior est, & vtilior. Multos videmus magnis spoliatos opibus, propter aduersam famam, alios propter secundum & fauorabilem rumorem locupletatos.

100. Virtus pluris quàm fama.

Res solida & firma, & perennatura, pluria aestimanda est, quàm ficta, atq; adumbrata, & corpus quanto maioris, quàm umbra?

101. Virtutis umbra gloria.

Ex Socrate. Ideo compendiosa est ad gloriam per virtutem via.

102. Oculus in pectus.

In pectore est cor, sedes cogitationum. Perinde est, ac si dicas: Nosce te ipsum.

103. Non extorquebis amari.

Claudianus in Panegyrico sexti consulatus Honori. Cetera extorquentur vi, amari non potest vis inferri.

104. Tempus edax rerum.

Ovidij in Metamorph. x v. & Aristoteles: Omnia tempore contabescunt, & decidunt, præter Deum & spiritus, quibus ille immortalitatem communicauit.

105. Subiecta Dei manu consistimus.

Nec angeli, nec animæ nostra sunt natura sua immortales, sed voluntate Dei, nec res vlla vel momentum duraret, nisi eam regentis Dei cura sustineret. Quò intolerabilior est in tanta infir-

S A T E L L I T I V M.

mitate superbia, aut ingratitudo, si non agnos-
cas, cuius munus sit vita, & ea quibus intus
nescis.

106. Gloria vento discutitur.

Cum aliud non sit, quam status quidam.

107. Propter invidiam vela opulen-
tiam.

Invidia (inquit Salustius) ex opulentia orta
est: ideo opes celandæ sunt, ne invidiam nobis
pariant, graue est enim eam ferre, quamuis in-
noxiam.

108. Honores onera.

Multa curæ & sollicitudines suscipiendæ sunt,
multi labores adeundi constitutis in dignitate,
aut honore, maximè, cum illum student conser-
uare. Non minus erit venustum si dicatur: Fas-
ces, fascis. Erant fasces magistratuum Romano-
rum insignia. Sunt & fascis iarcinæ ac onera.

109. Virtutis radices altæ.

Ad stabilitatem virtutis pertinet, cum reli-
qua vix summo solo hæreant.

110. Mortalibus immortalia præfe-
renda.

Ut virtus & eius æternum præmium diuitijs
aut honoribus, aut quibusvis humanis affectibus.

111. Alata ætas.

Celerrimè enim auolat, & fugiunt freno non
remorante dies. Et hoc citius, si sit bona ætas,
quam mala diutius immorantur & premunt.

112. Fi-

112. Fidens, non confidens.

Sperandum est bene, sed non stolidè, aut imprudenter, cumq; incerta sint omnia futura, nec in felicitate attollendus est animus, nec in aduersis contrahendus. Nec id tamen sperandum aut aggrediendum, quod maius sit viribus, aut recundiæ terminos excedat.

113. Cuius pudebit, pigeat.

114. Ne feceris, quod factum nolis.

Finis in re omni spectandus est, stultumq; est id agere, quod postea multo redempturus sis. Ne feceris, cum parum proderit pœnitentia.

115. Stulta de alienis superbia.

Videtur enim absouum, si ob eas te res extollas, quæ tuæ non sunt. Porro quid sit alienum, declaratur proximo symbolo.

116. Alienum quicquid adimitur.

Quod tolli potest, nostrum non est, ut fortuita & corporea, solus animus est noster.

117. Quod commodauit fortuna, tollet.

118. Quod mutuauit natura, repetet.

119. Quod parauit virtus, retinebis.

Commodata videntur à fortuna, quæ eadem redduntur, mutuata à natura, quæ similia, non eadem, sed vtraq; non diutius futura sunt apud nos, quàm creditor aut commodator permiserit. At virtutis præclara facinora, quemadmodum inquit Salustius, sicuti anima ipsa, immortalia sunt.

120. Princeps priuatis sublimior senti-
ciendo.

Non decet principem aut opibus modò , aut
potentia priuatis excellere , sed sensu quodam
& opinionibus supra popularem captum sapi-
entissimis : vt non moueatur exiguis & vilibus
reculis , sicut plebecula : sed sit in eo , vt dignitas ,
ita sapientia quædam singularis. Indignum enim
eos , quibus ceteri parent , non melius de rebus
censere , quàm vulgus imperitorum hominum.

121. Princeps multis consulendo.

Hoc demum est principem agere , publicas v-
tilitates suis antepondere , existimareq; neminem
esse inter subditos , cuius cura peculiariter ad
se non pertineat. Itaq; Princeps officium suum
implet propria cōmoda & proprios affectus ex-
uendo , induendo communes : ideo enim electi
sunt Principes , vt essent , qui suis priuatis soluti
curis , publicis excubarent. Licebit & sic dicere ;
Officium est imperare , non regnum.

122. Tu tibi venerabilis.

Ne quid turpe vel agas , vel cogites , reueri-
tus te ipsum.

123. Malum occultum perniciosissi-
mum.

Non enim potest aut prauitudine deleri , aut
castigatione tolli , aut explicatione lenari , aut
consolatione leniri , sine sit delictum , sine affe-
ctu aliquis.

124. Non

124. Non quàm diu, sed quàm benè.

Ad vitam & actiones omnes pertinet, Multis breue tempus seu vitæ contigit, seu quid aliud agendi: nemini ademta est in quantulocumq; tempore facultas rectè se in eo gerendi, quod instituit. Ideo non refert, quanta sit ei diuturnitas, sed qualis administratio. Nec vitam, vt sit bona, longam esse oportet, vel in vno momento sanctissimè licet viuere.

125. Nomen præ opibus.

Pluris enim faciendum est bonum nomen, quàm diuitiæ multæ, iuxta sententiã Salomonis.

126. Odiosus, modo immeritò.

Ne cures quod odio habearis, modo id culpa tua non contingat, quod aliquid ipse feceris odio dignum.

127. Ingratitudo multis immerentibus noxia.

Cessant enim homines benefacere, si in ingratos inciderint: ita gratos recusant experiri, ab ingratissimis læsi. Idcirco lex erat in Graciã aduersus ingratos, quod id viciũ videretur communi & societati hominũ vehementer damnosũ.

128. Iniuria obliuione vlciscenda.

Non est verior aduersus iniuriam vltio, quàm si obliuiscaris eius, sic enim nec animum vret, nec manus ledet, quàm si facta non esset.

129. Præcipitis consilij assecla pœnitentia.

SATELLITIVM.

Multum enim cogitandum & deliberandum est, antequam statuas. Sententia ex Platone sumpta.

130. Quod vni, & omnibus.

Pari sumus omnes creati lege. Quicquid vni euenit, potest omnibus euenire, ne quis, cum aliena videt mala, securus agat.

131. Ne ferrum igni.

Non est ira ferro armanda. Ex Pythagoræ symbolis.

132. Lachrimis ignis extinguendus.

Iram contra te lachrimis & pœnitentia, & petitione veniæ placato, non solum Dei, sed etiam hominum, non est turpe veniam precari. Turpe est, Deum aut hominem habere inimicum.

133. Fastigio caput summitte.

Potentia cede, ne cum opulentiore, aut maiore contendito.

134. Falso nomine non gaudendum.

Fluxum est enim & momentaneum, nec iuuat, cum re clamat conscientia.

135. Amicus, vt non alius.

136. Inimicus, vt non idem.

Amicus sic amandus est, sic colendus, sic cum eo versandum, vt non putes posse inimicum fieri. Inimicum verò sic oderis, tanquam aliquando amicus, et futurus. In quo damnatur à Cicerone sententia diantis Prienci, quam secutus est in Minis Publius.

137. Quod

SATELLITIVM.

137. Quod videri vis, esto.

Nulla via facilior. Non idem valent fucata
& simulata, quod vera & solida. Magna istis
ineſt vis, infirma ſunt illa.

138. Oculum in metam.

ſpectandus eſt in omnibus rebus finis & ex-
itus, ne præſentibus periculoſè decipiamur.

139. Nocens metuit pœnam.

140. Innocens nec caſum.

Nocens ſtimulante conſcientia, metuit para-
tam legibus pœnam, innocens fiducia conſcientiæ,
nec humanos caſus pertimeſcit, cum ſua omnia
in ſe vno, hoc eſt, in animo & virtute poſita eſſe
ducatur. tum & illum ſequitur, illi fidit, in cuius
manu ſunt caſus omnes.

141. Excufanda ſeruitus ſub neceſſi-
tate.

Non dico honeſta, vt Publius, ſed excuſanda,
cauſam enim probabilem poteſt aſſerre, cur ſer-
uiat, quia neceſſitate impellitur, ſed multum in-
teret, quum quiſq; ſingat ſibi neceſſitatem.

142. Ne à pudendo vincaris holte.

Vt voluptatibus, libidinibus, cupiditatibus,
ira & cæteris vicijs.

143. Turpious ne ſeruito.

Vt vicus & malis hominibus, quorum con-
ſuetudine ſis peior, & eorum ſceleribus videris
eſſe miniſter.

G 5

144. Ami-

SATELLITUM.

144. Amicum inimicum fugito.

Hoc est, assentatorē, fucatum amicum, & cum, qui sub amicitia nomine odit, aut contemnit, aut invidet. Sunt enim, qui amicos infelices diligunt: felicibus invidet. Tum illos potissimè fugito, qui amorem simulant, cum insidientur probitati & virtuti, aut qui familiaritate ostensa, labem & ignominiam afferunt, quiq; ad flagitia & facinora vel exhortantur, vel incitamento sunt exemplo sui.

145. Ne lingua mente celerior.

Cogitandum prius quid loquaris. Velocissimus datus est animus, ne quid possit cum pervertere, si velit, debet hic esse linguæ clauus.

146. Bellum cum vitijs.

Non cum hominibus debet geri bellum, nec vires ac robur in eos ostentanda, sed in vicia, qui sunt veri hostes, nobis exitiabiles.

147. Diuitiæ iniuriæ pignora.

Ex Eucherio Lugdunens. Multis fit iniuria, tantum ut tollantur opes, expilantur à furibus, spoliantur à latronibus, & caduntur. In hos calumniatores innadunt, in hos indices acriter cognoscunt, & animaduertunt, præsertim in ijs criminibus, ob quæ fortuna adimuntur, in quibus nulli tutiores sunt, quàm qui quod perdant non habent, nulli periculo piores diuitibus.

148. Bona ad benefaciendum.

Non

Non
vel e
ad ma
ipsum
14
N
tutius
15
Ma
bonus
15
Qu
enim
15
Ex
comp
affect
15
Ex
et, v
nocte
possi
fruit
cuius
Mim
1
S
dum
prog

S A T E L L I T I V M.

Non conuenit bona vel animi, vel corporis,
vel externa data esse homini ad nocendum, nec
ad malefaciendum tributa sunt, quod nomen
ipsum indicat, vt & sibi prosint. & alijs.

149. Maxima opes prodesse.

Nihil iucundius ipsi, qui id facit, nihil eidem
tutius: nā qui pfuit multis, hunc tuentur multi.

150. Thesaurus gratia boni.

Magnus est thesaurus. gratia, quam vir
bonus debet pro beneficio.

151. Quod vides, non diu.

Quaecunq; in vita cernis, non diu cernes, aus
enim illa interitus auferet, aut te.

152. Vt verax sine suspicax.

Ex Eucherio. Qui enim suspicax est, facile qua
comperta non habet, affirmabit, ita mentietur
affectus impulsu.

153. Non diues, ni contempnas.

Ex Seneca: Nemo enim suis diuitijs, vt opor-
tet, vititur, nec fructum ex eis vllum capit, qui
noctes & dies pro illis est sollicitus: qui verò
possidet tanquam alienas, hic demum tanq̃ suis
fruitur. Nullum bonum iuuat animum, nisi ad
cuius amissionem ipse prae paratus est. Hinc illud
Mimi: Despicere oportet, quod possis deperdere.

154. Expende.

Singulorum pondus & precium astiman-
dum, sum qua dicturus, quaeq; acturus, exordia,
progressus, exitus rerum.

155. Si-

SATELLITIVM.

155. Sine querela.

*Viuumdum ita, vt non fit, cur vel de te quisquam cōqueratur, vel ipse, de quoq̃ aut de fortuna, nec ipse cuiquam facias iniuriam, nec factam tibi credas. Seneca de tranquillitate vita: Af-
fuesiendum itaq; conditioni sue, & quā min-
imum de illa querendum, & quicquid habet cir-
ca se commodi, apprehendendum. Nihil tam a-
cerbum est, in quo non aquus animus solatium
inueniat. Hoc in symbolum nostrum.*

156. Frenum in lingua.

*Ne soluta dicat quod noceat: vnde infrenes
nominantur.*

157. Ne bos in lingua.

*Allusio ad vetus prouerbium. Bos moneta
nummi erat Attici, & hinc ipse nummus sic ap-
pellabatur. Qui tacebant precio conducti, dice-
bantur loqui non posse, quod bouem haberent in
lingua. Simile est illud, quod in Demosthenem
mercede tacentem, cum anginam causaretur,
quidam dixit: Non anginam patitur, sed argen-
tuginam.*

158. Accuratè cogita immutabilia.

*Multum deliberandum est, antequam facias,
quod factum mutari non poterit: vt ducere ux-
orem, sacris initiari, aut bellū suscipere, aut præ-
lium committere. Potest etiam aliò referri, vt
mul-*

S A T E L L I T I V M.

multum de aternis illis post vitam cogitemus,
quo sanctius hic viuamus.

159. Longius, modo tutius.

Ad vitam spectat, ad tempus etiam, ne se-
stemur dispendiosa compendia vel in eruditione,
vel in parandis opibus, aut eiusmodi. Augustus
solitus erat dicere: Sat cito, si sat bene.

160. Populo cede, non pare.

Non est cum multitudine pugnandum, belua
multicipiti: sed nec eius opinionibus assentien-
dum.

161. Et pilo sua umbra.

Nullus est tam contemptibilis, qui non &
prodesse in loco, & quod scilicet est, nocere
possit: ideo nemo contemnendus.

162. Hospes ne curiolus.

In aliena domo, in aliena ciuitate deet v-
numquemq; modeste se gerere, nec curiosè se in-
terponere in administrationem. Multo magis
conuenit nos in hoc mundo minimè sollicitè, aut
curiosè agere, in quo plane hospites sumus, seu
exules verius.

163. Cæde, modo doce.

Ex amore sciendi dictum à Diogene Antisthe-
ni, cum is sustulisset baculum, ut discipulam cæ-
deret, molestum sciscitatore

164. Magnum hospitium magni ho-
spitis.

Non

SATELLITVM.

Non potest exiguum esse hospitium, quod implet magnus hospes: nec contemnendum id corpus, quod inhabitat excelsus animus.

165. Tota vita dies vnus.

Ex Quintiliano in Mathematico. Si omnia vita huius diligenter excutiantur, quid aliud est vita tota, quam dies vnus? aut quid est in vniuersa vita, quod non sit in quouis die? vt mirandum sit, non exsatiari homines iisdem toties redeuntibus.

166. Diarij omnes.

Ex superiore pendet, & ad breuitatem atatis refertur.

167. Ex vsu, non collatione fortuna.

Vt sis diues, non spectandum est tibi, quantum alij possideant, sed quanto tu egeas.

168. Maiores superbus, minores mæstus.

Ad minuendam superbiam spectet quisq; præstantiores se, in eo, de quo intumescit: ad leniendum mærorē infeliciores, in eo, de quo tristatur.

169. Foris Argus, domi talpa.

In eos, qui in aliena mirè oculati sunt, ad sua cæci. Argus centotulus fuit, talpa est cæca. Fabella est de manticis apud Aesopum & Persiū, quarum altera dependet ad pectus, in qua sunt aliena vicia: altera ad tergum, in qua nostra. Potest etiam dici: Domi Tiresias, foris lynx.

170. Ne-

S A T E L L I T I V M.

170. Ne nimium scrutare.

In eandem sententiam & sic: Ne molestus percontator.

171. Certum in incerto.

Nihil est vita incertius, in hac paranda est virtus, certissima possessio: intuenda altera illa immortalis. Cogitanda mors, qua nihil est certius: vana & incerta spes, & solitudines dimittenda, quibus (quemadmodum Manlius inquit) dum querimus auum, perdamus.

172. Voluptates spectra abeuntes.

Nam cum adveniunt, deleant, ideo pulchre incundaq; existimantur: recedentes, turpitudinem ac sceditatem suam produnt. Posset sic adformari: In voluptate dormi, non faciem. Videbis sceditatem earum, & penitentiam, quam relinquunt: sic fit, ut eas auerferis, ac detestere.

173. Voluptas malorum esca.

Platonis sententia, Malus capitur voluptate, bonus consilio. Bono viro Deus est lex, malo cupiditas.

174. Falle viuens, sed non te.

Vetus erat, ἀδελφὸς βίωται. Putant fuisse dictum Epicuri: de quo Plutarchus, & Horatius: Nec vixit male, qui natus moriensq; fefellit: addendum tamen, ne quis seipsum in vita ignoret, etsi ab alijs ignoretur.

175. Non refert quâ, sed quò.

Nihil

S A T E L L I T I V M.

Nihil refert quâ transeas in hac peregrinatione vitæ, sed quò peruenias. In omni loco, in omni fortuna licet rectè agere, & illò peruenire, quò intendimus.

176. Scopulus in vndis.

Vt sit in animo tanta firmitas, quam vnda omnes & fluctus humanorum casuum concutere non valeant, semper immobilis & altior fortuna.

177. Miserrimum pendere.

Inter spem & metum suspensum esse miserrimum.

178. Ne bis puer.

Antiquum prouerbum, Eis pueri senes: de senibus deliris & dementibus. Admonet, ne in grandiore atate viuamus, aut sapiamus pueriliter.

179. Ne laborem citra præmium. &c.

180. Ne laborem laboris præmium.

Laboris in res mundanas vel præmium est nullum, aut certe vanitas: vel alter labor honestior quidem, sed molestior: vt qui dignitates dignitatibus mutant. Sic clamat Hercules ille in Trægædia: Finis vnus mali, gradus est sequentis. Interim præmium horum laborum est sempiternus cruciatus, sicut Paulus inquit: Stipendia peccati mors.

Pertuso dolio nihil infunde.

Allu-

S A T E L L I T I V M.

Allusio ad dolum Danaïdum apud inferos, ut habent fabulæ. Ad multa tendit, ne quid des prodigo & profuso: ne rimosæ auri, & loquaci arcanum credas, ne cupiditatibus inferuias, ne voluptatibus obsequaris, ne insatiabilibus largiri assuescas.

181. Turpe gigantem in nano.

In tam pusillo corpore, quantum natura dedit hominibus, tam fragili & infirmo, turpissimum est esse tam firmum & superbum animum, qui stulticia & superbia cælos etiam contingat.

182. Difficilis gloriæ custodia.

Quàm multa perferenda sunt studioso gloriæ ut paretur, ut parta conseruetur: Maior perpetienda est seruitus, quam emtis de lapide: cum gloria, nisi fundamentis virtutis immitatur, fugacissima sit.

183. Malus potentiæ custos metus.

Fragiles opes, quas multi metuunt, ac proinde oderunt. Sententia est omnium ferè sapientum, quam trahat in officiis Cicero.

184. Nescis quid serus vesper vehat.

Futura incertissima, ne quis nimium vel confidat, vel desperet. Dicitur est Varronis, qui sic satyras aliquot suas inscripsit. Eodem refertur: Inter os & offam.

185. Faciem ne aperias.

Teſta eſt facies humana verecundia: quod

H . . . solum

S A T E L L I T I V M.

solum velatum reliquit ei natura : non est exuenda tamen honesto tegumento. Nihil enim inue-recundia detestabilius.

186. Manum per frontem ne ducito.

Allusio ad illud : Perfricare frontem, siue faci-
ciem, siue os: de ijs dictum, q̄ pudorem excutunt.

187. Splendor summus non intuen-
dus.

Solem si sereno caelo intuearis, nocet oculis,
interdum excæcat: sic si diuinitatis fulgorem
rentes contemplari, oculos mentis amittes. Qui
scrutatur maiestatem (inquit Sapiens) opprime-
tur à gloria. Non capiunt angustia mentis hu-
manæ rem tam sublinem atq; amplam. Non vi-
debit me homo, & viuet, ait Deus: adoranda
sunt hæc, non scrutanda.

188. Linguas ne præscinde, sed caue.

Non est libertas hominibus tollenda, Nam
sicut Augustus dixit: Decet in liberis ciuitati-
bus liberæ esse linguas. Sed sic viuendum, ne sit
cur homines iua in te libertatē velint exercere.

189. Ora virtute obtura, non metu.

Eodem spectat: Non claudenda sunt ora me-
tu, operculo si agis & inuadenda bene agendo ef-
ficies, ne quis male de te sentiat, ac proinde nec
loquatur.

190. Cogitatūs liber.

Nemo prohibere potest quenquam cogitare.

191. Co-

191. Cogitatus quis cogitet? vis veritatis.

Hæc enim suspiciones omnes tollet, & tanta est, ut ultro in mentes hominum se insinuet: efficiatq; ut nemini aliter libeat cogitare, sæpe nec liceat. Ideo rectè agendum est: non aliter assequemur, ut omnes de nobis rectè sentiant.

192. Homo homini par.

Ne quis supra hominem se efferat, ne contemnat, ne desiciat, ne se præferat alteri, cum simus omnes à Deo parente omnium a quo iure conditi. & in hanc vitam missi. Potest etiam ex Seneca sic dici. Deo imperium, homini consortiū.

193. Suavis-imus post laborem fructus.

Sic demum fieri iuvat, cum res labore quasi-
ta est, ut molissia præterit: & su præsentis leue-
tur. Vulgare est: Par ta labore iurant.

194. Animo corpus salciendum.

Non succumbendum operibus honestis, & deficientibus corporis viribus, animi conatus tantus sit, ut labens ac decidens corpus suslen-
tet: ex Seneca libro de vita beata.

195. Nocens se iudice nunquam absoluitur.

Semper enim accusetur, & condemnatur à
cōsuetudine mentis suæ iudicialis: Exemplo quod-
cumque malo committitur, ipsi dissiliet auctori:

SATELLITVM.

prima hæc est vicio, quod se iudice nemo nocens absoluitur. De hac re Cicero in Pisone, & pro Roscio Amerino, & Seneca multis in locis. Apud Quintilianum est illud prouerbij: Conscientia mille testes.

196. Ebrietas nec madida, nec sicca.

Ebrietas madida est, quæ fit ex vino, aut cereuisia: sicca verò, quæ affectu aliquo immodico, cum is vim omnem mentis & iudicii consopit, ut ira, latitia, metus, insolentia, ex immodicis fortuna successibus arrogantia, voluptates, & omne delectamentorum: genus, quæ ebrietatem Græci vocant *ἀκρα* quasi inuinam: Utraque cauenda, utraq; hominem extra se pellit, & impotentem sui reddit.

197. Potentiorum te ne admittito.

Consuetudo viciorum, & qui à philosophis habitus dicitur, à Græcis *ἔθες*, violentissimus est tyrannus, cum animum occupauit. Ideo magnopere laborandum est, ne quis talis in nobis inhaereat: non erimas ne in tantis uis admisso. Idem dicendum de multis perturbationibus, ut ira, ut auaritia: sed potissimum ludæ cupiditate, amore, & voluptate.

198. Precibus emptum carum.

Vulgare dictum. Cicero: Emere malo, quam rogare. Item Apuleius in Florid. Magnum precium sunt preces: quippe illis additur verecundia.

S A T E L L I T I V M.

dia. Sic igitur te compara, vt paucis egeas, quo pauca roges: & rogatus magnum te credito accepisse precium eius, quod rogaris, ne sis exoratu difficilis.

199. Quiesce nihil acturus.

Dictum Attilij, quod citat Plinius Nouocomenfis: Satius est ociosum esse, quàm nihil agere. Nihil agere est rem inutilem, aut non successuram tractare: consultius est quiescere, quàm nihil agere.

200. Ingenium inexercitatum, torpidum.

Cato ingenium hominis dicebat ferro esse simile, quod ex usu splendet: at in ocio rubigine obducitur, & exeditur. Exercendum semper ingenium: ocia enim feracissimum viciorum seminarium: sed honesto aliquo & pulchro opere, velut eruditione & virtute: nam rebus flagitiosis aut turpibus exercere, hoc verè non exercere est, sed corrumpere, de quo est sequens symbolum.

201. Ingenium situ pereat, non sensibus.

Præstat ociosum degere, quàm malis exercitamentis occupari.

202. Nullus sine linea dies.

Ex vetere dicto, & more Apellis Coi pictoris, qui tanta fuit in arte sua diligetia, vt nullus

præteriret dies tam alijs rebus occupatus, in quo non ipse saltem lineam aliquam penicillo duxisset. Et erat olim maxima pars artis in lineis tenuissime ducendis sita. Admonet, non debere diem ullum abire, in quo non aliquid dignum homine egerimus: opus videlicet ingenu, vel ad eruditionem, vel ad prudentiam, vel ad probitatem & pietatem spectans: quem dicunt fuisse Censorii Catonis morem. His verò, qui alijs artibus vitam quarunt, aliquid esse in sua cuique arte quotidie exercendum.

203. Calumniæ morsui nullum remedium.

Nullum ferè est tantum malum, cui natura remedium non parit, saltem fuga: at qui calumnia & clā mordet, & ante occidit, quàm sentiatur.

204. Beneuoli multi, consiliarii pauci.

Ex Salomone: Multis bene & velis, & facias: arcana tua ne cuius committas, nec quemlibet consule. Delige, quo possis in hanc rem tutò & cum fructu uti.

205. Iustitia gratuita.

Ex Cicerone, primo de legibus: Nihil est iniustius, quam iniusticiæ præmium querere. Et qui mercede est vir bonus, mercede etiā erit malus.

206. Misericordia venalis, crudelis.

Crudele est eum, qui sic affectus est, ut misericordia indigeat, cogere aliquid pendere, quo suble-

SATELLITIVM.

subleuetur. Est enim acerbus & immitis animus, quem non flectit hominis calamitas, sed suum commodum.

207. Bonorum rector, malorum victor.

Ex Seneca, epistola lxxxv. In secundis regendum est, in aduersis pugnandum: fortuna prospera gubernanda arte, consilio, prudentia ingenio: irata retundenda magno robore, & inuiecto animo superanda, & calcanda.

208. Quod inuenisse pigeat, ne quæras.

Satius est id ignorare: ut probum domesticum, tristem sortem à diuinaculo: quæ si prædicatur, nihil aliud, quàm angit assiduò cor.

209. Tantum scis, quantum operaris.

Ferunt verbum hoc fuisse frequens diuo Francisco. Ita est. Verius scit vir bonus & rudis quid sit virtus, quàm malus & doctus: & in rebus sacris Christi spiritus copiosissimè præbet se pijs. Quid prodest malo scientia? nec verè scit, tametsi argutè disserat: nam in peccato semper inest cæcitas. An non melius nouit, quid sit pingere, qui imperitè de pictura disputans, peritè pingit: quàm qui doctissimè disputans, indoctissimè & lineas ducit, & colores inducit?

210. Persona publica priuatam depone.

Cui magistratus, aut imperium, aut principatus mandatur, is sciat, iam non sibi suas utilitates quarendas, sed populi, cui praeest, sic optime publicum officium administrabit, aliqui fiet tyrannus. Deberet pro curiarum foribus dictum aliquod in hanc sententiam inscribi, quo admonerentur magistratus, & eorum consultores: Huc ingrediens, personam priuatam relinque in limine, publicam sume.

211. Paruo fames constat, magno fastidium.

Natura paucis rebus satisfacit, fames exiguo cibo placatur & tollitur: ingentes mensae fastidium afferunt, & morbos.

212 Vnum est necessarium.

Verbum Domini & seruatoris nostri Christi, ad augendum curam pietatis, & minuendam sollicitudinem rerum periturarum. Procuratio & cibi, & potus, & rei familiaris, in qua Martha versabatur, utilis quidem homini ad tempus: at sedere ad pedes Domini, & illius verbum puris animis haurire, quod erat Magdalenae munus, id demum necessarium, & quod nunquam aufertur. Cum omnia siue ingenij decora atq; ornamenta, siue corporis atq; externa comoda expendere, intelliges vnum esse homini necessarium.

213. Mente Deo defixus.

Hoc symbolum tam fausto omine ponetur vltimum,

timum, quàm illud primum, Scopus vitæ Chri-
 stus. Ipse est initium, ipse finis, ab ipso profici-
 ſcuntur omnia, in ipsum tendunt. Huic oportet nos
 affigamus, si volumus beati esse, non alio clauo,
 quam mente ipsa. Possunt alia permulta symbo-
 la deduci ex Platone, Cicerone, Seneca, Hora-
 tio: sed præcipuè sacris literis, fonte vt copio-
 sissimo, ita liquidissimo ac purissimo: & scripto-
 ribus nostræ religionis, assunt proueria tot, &
 metaphora, & allegoria, fabula quoq; & hi-
 storix, quæ suppeditare magnum numerum pos-
 sunt: & nostræ hæc mutari, atq; in alias verti
 formulas licebit, & ex scholiolis alia desumi.
 Quocirca nec illa attigi, quæ sunt omnib; in ore:
 Nosce te ipsum: Ne quid nimis: Sponde, iactura
 præstò est: quæ dicuntur tria Apollinis oracula:
 & Dimidium plus toto, quod Hesiodi: tum, Su-
 stine & abstine, quod Epicteti. Hæc quæ posui,
 sufficient siue ad sententiarum copiam, quæ om-
 nes penè his sunt conclusæ, siue ad ratio-
 nem ostendendam: quemadmodum
 alia possunt innumera ex-
 cogitari.

ISOCRATIS RHE-
TORIS AD NI-
COCLERM.

De Regno oratio.

Quidam soliti sunt, ô Nicocles, vobis regibus vestes dono mittere, aut æs, aurum cælatum, aliæque huiusmodi bona, quibus ipsi quidem indigent: at vos abundatis. Quo impensè mihi videntur illi palam non vos donare, sed mercaturam quandam facere, & quidem multo maiore astu ea venundare, quàm hi, qui profitentur cauponiam. At ego sic existimo, hoc pulcherrimum fieri donum, ac vtilissimum, quodque potissimum deceat & me donantem, & te accipientem: si queam diffinire, cuiusmodi studiorum cupidus esse debeas, & à quibus operibus abstinere, quò optimè urbem simul & regnum administrare valeas. Nam priuatos homines multa edocent, & maxime, quod non franguntur delicijs, sed vrgentur laboribus circa ea, quæ vitæ sunt necessaria omni die. Deinde legibus cuncti vehementer adstricti sunt, insuper licentia quædam illis in palam amicos increpandi, & inimicorum carpere mutuo errata.

Adhæt

Adhæc quibusdam poetarum veterum documentis, ad vitæ rationem derelictis edocentur, quo pacto omnes deceat tales virtutum incrementa accipere. Porro, regibus nihil horum suppeditat: quandoquidem potius contemnit alios ab illis doceri. Deinde in principatu constituti imperiti, vt sunt, perseverant. Paucis enim mortalium concessum est, vt eos adæcant: quibus vero id datum est, ad gratiam loquuntur. Etenim qui imperium sunt consecuti, & opum magna vi, rerûq; potiuntur, quum perperam illis utitur, hac occasione impulerunt multos, vt illis in ambiguo poneretur, quanam esset dignior, quam amplectaris vitam: priuatorum, qui sunt virtuosius magis, aut eorû, qui tyrannidem exercent. Cum enim prospiciant honores, opes, potetiam, similes illos omnes immortalibus putant, qui imperium sortiti sunt. Deinde verò ubi cogitant metus, sollicitudines, ac discrimina, dumq; animo volutant, quosdam ab illis, quibus minimè conveniebat, quippe prisca fide coniunctis, deniq; & familiarissimis regno cedere coactos esse, proinde plerisq; ambo hæc simul accidisse. Contra igitur arbitrantur quida se vivere melius suo modo, quam si tantis calamitatib. exp^opositi.

positi, toti Asiæ imperarent. Huius autem insolentiæ ac perturbationis causa est, quod regnum, sicut & sacerdotium omnibus viris æque conuenire arbitrantur: cum regnum sit rerum omnium præstantissimum, & maxima prudentia indigens. Nam singula quæq; agere necesse est, sed ex his maximè, vt hæc possit bonos mores præcipere, bonis florentissimis subditos conseruare, calamitates propulsare, semperq; in præsens laboribus consulere: generatim verò, quibus studijs principem tradi oporteat coniectandum, quibusue exercitijs vacet, conabor attingere. Verum si munus suspecti operis dignum videatur institutum, difficile fuerit à principio iudicare. Multa enim poemate ac oratione soluta conscripta, dum in cogitatione versabantur eorum, qui illa condebant, magnam expectationem de se dabant: at perfecto opere, alijsq; tradita legendi copia, multo inferiorem gloriam ab ea, quam sperabant, acceperunt. Verum nihilominus conatus ille præclarus mihi videtur, exquirere, quæ alij præterierunt, instituta regnandi: qui enim priuatis præcepta viuendi tradunt, illis solum profunt: at si principes multitudinis ad virtutem adhorta-

hortati fuerint, vtrisque rem frugiferam præstant: & his, qui principatum gerunt: & eis, qui parent imperio. His enim principatum reddunt tutissimum, illis verò Rempub. non iniucundam constituunt.

PRIMUM igitur quod consideremus est, in quo versetur regum officium. Si enim caput & summam generationem huius negocij acceperim, huc prospectum intendentes, melius de alijs quoque partibus differemus. Puto autem omnibus in confesso esse, decere reges ipsos, urbem laborantem quietam reddere, eamque quam florentem fortuna habet, conservare: denique ingentem ex parva efficere; nam alia quæ indies acciderint, harum rerum gratia facienda sunt. Atqui perspicuum est, quod oportet eos, qui res illas sunt gesturi, aut de his consultabunt, minimè torpere desidia, sed prospicere ut alios præcellant in rebus administrandis prudentia. Constat enim talia esse imperia, qualis illorum animi sententia, qui ea peperere. Neminem igitur ex athletic sic debere corpus exercere, quemadmodum reges intèdere animum. Omnes enim theatrales ludi, nulla portio videntur eius præmij, pro quo vos singulis quibusque laboratis, diebus. Quod volutans
mente,

mente, animum aduertas oportet, ut
quantum honoribus ceteris prestas, tan-
tum & virtute ipsos superes. Neq; arbi-
traris diligentiam in ijs negocijs vtilem
esse: verum ad hoc, ut meliores ipsi ac
prudētiore euadamus, nihil habere mo-
menti, adhuc non censeas hominum ge-
nus adeo esse intelix, ut cum veras artes
repererit, quibus eorum ingenia mansue-
fcerent, ac vehementer idonea fierēt, no-
bis ipsis contra nihil suppetere, quod ad
virtutem capeffendam conducatur. Inanis
deniq; esset disciplina atq; industria, quæ
animum possunt reddere meliorem. Sic
igitur imbutam geras mentem, & quos
præsentes habes prudentissimos, tibi ad-
iunge, alios proinde, qui absunt, accerse.
Præterea poëtarum illustrium ac sapien-
tum ne careas oportet peritia, sed illo-
rum auditor fias, horum autem discipu-
lus. Deinde præbeas te inferioribus iudi-
cem, maioribus autem concertatorem.
His deniq; exercit is celerrimè euades is,
qualem ab iustis oportere diximus cum,
qui recte: peruenit urbemq; ut par est,
gubernarit. Potissimum autem te ipsum
ad hac adhortatus lucris, si molestum
arbitreris peiores melioribus domi-
nari dememioresque prudentioribus
præscri-

prescribere. Quanto enim vehementius
aliorum amentiam vicio dederis, tanto
magis animum exercebis tuum.

Principium igitur sumere hinc oportet
rerum gerendarum decentium, ut post-
hac humanum te exhibeas, & urbem a-
more complectaris. Neque enim equos aut
canes, hominesque, aut res alias huiusmo-
di bene quis subdiderit imperio, nisi ob-
lectamento pertrahat ea, quorum ipsum
necesse est uti opera.

Curabis autem populum & ab omni-
bus charus haberi studeas: id explora-
tum habens, quod paucorum regna te-
nuia, & aliarum Rerumpub. gubernacu-
la diutissimè permanserunt, in quibus
popularis multitudo beneuolè tractata
est.

Pulchrè proinde principatum gesseris,
si plebem contumelia affici non sinas, ne-
que illatam contemnas. Verum id proui-
dendum, ut optimi viri honoribus geren-
dis eligantur: ne, si secus fiat, plebs iniu-
stè vexetur. Hæc enim elementa prima &
potiora bene instituendarum urbium
extiterunt.

In ipsis autem constitutionibus & ex-
ercitijs, quicquid inane est, emenda: aut
quod non admodum rectum est, reijce:
& quàm maximè inuenias leges optimas.

vel

vel imitare eas, quas obseruant, alij omnino honestissimas qualq; Quare autem leges vndequaq; iustas & vtilis, atq; inter se non dissidentes: sed neq; vllas continent ambiguitates, vtpote breuissimæ, concordiam celerrime in Repub. conciliantes. Hæc enim omnia inesse oportet rectè latis legibus. Hunc fructum ciuibz ipsis proponere tanquam apprimè vtilem: factiones autem vt perniciosas, quo istas fugiant, illum promptè amplectantur.

Iudicium præterea exercens inter mutuo contendentes, non ob beneuolentiã hinc inde in diuersum traharis, sed semper similem inter æquales profer sententiam. Equidem decorum est ac vtile, regum animum esse firmum ac immobilem erga iustos, quemadmodum & leges non conuenit vacillare.

Gubernare coneris urbem æque ac paternam domum, apparatu splēdido ac regio. In rebus autem gerendis diligentia præcipua, quo magnificus simul & cōstās habere, munificentiam nō ostēdendo in immoderato sumtu, quo mox euanescit. Sed in his, quæ superius commemorauimus, data rerum amplificandarum dignitate, & in amicos beneficentia. Hæ enim sunt impensæ, quas etiam factas nequaquam

quam perdas; tuisque posteris maiorem gloriam, quam sumptus ille fuerit, his relinques.

In colenda religione hoc ages, quod maiores tui tradiderunt: putesq; illud esse sacrificium omnium potissimum, atq; obsequium maximum, si optimum virum atq; aequissimum te præsiteris. Maior enim spes manet illos, qui eiusmodi sunt, quam eos, qui victimas multas cedunt, officiosi circa religionem.

Decorare coneris magistratus potiores honore & familiaritate tibi coniunctos, fideq; maiorem atq; benivolentia: Tutelam munitissimam arbitratus esse corporis tui amicorum virtutem, civium benivolentiam, & tuipsum prudentiam. His enim comparari atq; conservari imperia potissimum queunt.

Ne negligas privatorum domos: sic putes eos, qui profutiores sunt, tuas opes attenuare, illosq; qui negotiantur, tibi divitias parare. Omnium enim civium bona, a qui principis sunt propria.

Omni tempore veritatem in te lucere curabis, ita ut maior fides verbis adhibeatur tuis, quam aliorum iuramento.

Omnibus peregrinis tutam urbem exhibe, sitq; illi in commercijs legitima cō-

stantia. Multos autem facias aduenticios non eos, qui tibi munera afferunt, sed qui abs te recipere postulauerint. Honoribus enim afficiens tales, maiorem apud alios gloriam comparabis.

Metum fac adimas ciuibus tuis, nec formidabilis esse velis infantibus. Quomodo enim alios erga te affectos esse. uoles, ita & tu te exhibe illis.

Ne quicquam facias iratus: specta autem alios opportunitatem nactus, gravis tunc apparens, nihilq; te latere ex his, quæ sunt, prædicans. Mitis proinde sis in irrogandis pœnis, attenuando supplicia delinquentium Principem autem ages, si non gravitate, aut acerbè puniendo: sed cunctos superaueris moderatione, ut illorū saluti ipse melius consulere videaris.

In bello polleas rei militaris scientia & apparatu, pacem cogitans, neminemq; citra iusticiam circumueniens. Eo autem sis animo erga vrbes tuis viribus inferiores, quo principatu tibi superiores in te esse desideras. Prehæm verò inieris non cum omnibus, sed cum ijs, qui victi commodis cedant. Stultos nimirum iudicant eos, quib; non proluit victoria, sed iacturam facientes potius vincuntur.

Illis inelle arbitreris animi magnitudinem,

nem, non qui ardua aggrediuntur, ea
complestendos: sed qui moderatione qua-
dam affectata constanter efficere possunt
ea, quæ conantur.

Imiteris non eos, qui maximo impe-
rio potiuntur: sed qui optimè, quæ ha-
bent, gubernant. Deinde existima prore-
sus te relictum, non si cunctis per metum
ac pericula domueris: sed si, ut regem
debet, te exhibeas, atq; id agas. At præ-
sentibus contentus, mediocritatem eli-
gas, sic fiet, ut nullius rei indigeas.

Familiariter utere non omnibus, qui
volunt, sed moribus tuis & vita dignis.
Nec vero is quibus cum iocundis in cæ-
liquando tueris conuersatus, sed quorum
opera præclara Reipub. munia tribueris.
Diligenter autem fac scruteris ex alijs eo-
rum conuetudinem, quum non ignores
cunctos, qui te accedunt, ex tamantibus
mores tuos iudicare.

Tales rebus agendis præfeceris, quas
tu tractare nequeas, ut non detrectes ipse
acculationes in te suscipere, quæ illis ob-
ueniant.

Fide erga te integra putes, non omnes,
qui facta tua laudant, dicte q;: sed qui er-
rata obiurgant. Fretellatem autem apud
te habeant loquendi sapientes, ut si quid
1 2 ager-

agendum sit addubites, non desint qui tecum periculum faciant.

Despice adulandi peritos, eosq; qui assentatione benevolentiam captant, ne meliores apud te partes occupet improbi. Aures adhibe alienis colloquijs, tentesq; noscere simul qui sint fabulantes, qualesq; : deinde quid negocij tractent. Porro eisdem eos poenis afficies, qui falsam calumniam continxerint, atq; qui lus admiserint.

Impera tibi ipsi, non minus tui, quam aliorum victor existens. Putes autem potissimum decere regem, ut nulli seruiat voluptati. Præterea edomes magis desideria, quam subditos tibi ciues.

Neminem temere in conuiuium tibi assumseris, neque id abs te. Sed illorum contubernio assuesce delectari, à quibus ipse incrementa accipies, quibusq; alios superare gloria videaris.

Haud quaquam gloriam quarras in rebus illis, quæ improbis aequè factu possibilia sunt: quin potius circa virtutem strenuus sis, qua cum sceleratis nihil est commercij.

Credas esse verissimum, non eum, qui tibi in propatulo honor ob timorem sit: sed cum priuatim ciues coeunt, animi tui magni-

magnitudine potius, quàm fortunarum admiratione capti.

Cela alios, si quando tibi contingat in re turpi gaudium: palam enim sic facies, circa res præclaras tuum versari studium.

Ne animum inducas tuum, alios decere honestè vitam agere, regib⁹ immodestè viuendi relictam licentiam: sed ea sis temperantia, vt exemplum rectè viuendi constituas: compertum habens, vrbium mores prorsus ad similitudinem componi principum. Argumentum verò rectè gubernati regni hoc est, si subditos videas locupletiores redditos, ac vehementer modestos tua cura atq; diligentia.

Plurimum gloriæ iuncta honestate potius, quàm ingentem diuitiarū vim liberis relinque, nā hæc quidem fluxa est, illa autem immortalis. Et quidem per gloriam facile opes comparaueris: at gloria opibus non emitur. Adde, quod diuitiæ etiam improbis affluunt: verum gloria non nisi illustrium est possessio.

Delicias vestium, & alium corporis cultum non negligas. Verum in alijs, quæ ad regem pertinent, curis fueris modestior: vt qui faciem videant tuam, dignum imperio te iudicent. Proinde, qui familiaris tibi adhærent, animi robur pensis

tarres, eiusdem sint de te opinionis.

Considera tecum prius semper id, quod loquaris, aut agas: ut ne in minimum quidem errorem te incidere contingat. Vehementem proinde vim opportunitas ministrat in rebus, quam dum exactè scire nequeas, penuriam potius elige, quam abundantiam, nam ad mediocritatem habendam, præstat minus agere, quam nimis.

Salibus fac sis urbanus, nec minus grauis, hoc enim regem decet, illud verò in domestico conuictu congruit. Difficilimum autem est in utroque excellere sed ad omnia planè accommodatum. Inuenias enim, qui erga ciues vtuntur grauitate, sed rigidi sunt. Alij dum affectant urbani- tatem, humiles & abiecti redduntur. Vtendum autem est utroque pro opportuni- tate, ut quod in vnoquoque viciosum fue- rit, explodatur,

Nauabis operam, ut ea cognoscas, quæ scire decet regem: id autem usu conseque- ris, & philosophiæ studio. Istud quidem iter, quò pergas, ostendet, ille in rebus gerendis promptitudinem præbebit, ut fa- cile accommodatus fueris negocijs. In- tuere quæ aliquando acciderunt plebeis, atque illis qui tyrannidem administra-
runt.

runt. Nam si præterita memoria repetas,
melius circa futura deliberaueris. Rem
grauem existima, quosdam priuatos e-
mori affectasse, quo vita defuncti laudi-
bus extollatur. At reges non audere con-
tingere honesta studia, è quibus gloriam
insignem adhuc viuentes consequantur.

Statuas relinque, quæ virtutis sunt
monumentum magis quam staturæ cor-
poris.

Præcipuè elaborandum est, vt quàm
rutilissimum te & urbem tuam conserues.
Quod si necesse sit subire discrimina, eli-
ge cum gloria mortem oppetere magis,
quàm cum dedecore vitam agere.

In omnibus quæ egeris, semper in me-
moriâ subeat te regem esse, curaq; ne
quid indignum tanto honore egeris.

Caue conteniseris naturam tuam, tan-
quam ea omnis simul sit interitura. Sed
quoniam mortale corpus sortitus es, im-
mortalem autem animam: cura vt animæ
æternam post te relinquoas memoriâ.

Cogitabis proinde de honestis loqui
studijs, ne aliter affluctus, paria dictis ani-
mo sapere videaris.

Quæ verò tibi singula pensanti appa-
ruerint optima, ea fac opere perficias.

Quorum æmularis gloriam eorum res
gestas imitare.

Quæcunq; liberis tuis agenda consu-
lueris, illis te in hære dignum putes.
Quæ à nobis dicta sunt, in vsum vitæ re-
cipe, aut certe meliora inquire. Sapien-
tes iudica, non qui diligenter de minimis
contendunt, sed qui aptè de maximis dis-
ferunt. Nec verò credas ijs, qui alijs feli-
citatem pollicentur, cum ipsi summa la-
borant inopia. Aliter de illis sentias, qui
modestè de se loquuntur, illisque quibus
cum conseruantur negocijs, ac homini-
bus se accommodauerint. Neque animo
consternati vnquam sunt ex rerum varie-
tate, quin potius æquo animo atq; mo-
destè res aduersas atque prosperas ferre
didicere.

Næq; mireris, si multa eorum, quæ
recensuimus, prius cognita habeas: ne-
que enim id me latuit, sed probè cal-
lebam in tanta multitudine popularium
atque principum plerosque verbis expli-
casse, aut audiuisse, vel ab alijs gesta vi-
disse, nonnullis verò ut hæc ipsi facerent
contigisse. Cæterum in præcipiendi ra-
tione non oportet studijs indaginem fieri
inuitatis ac nouis, quæ admirabile quid-
dam, aut incredibile, præteritæ opinio-
nem hominum præ se ferant. Sed conij-
cere est, eam esse gratissimam, quæ dis-
persam

persam illustrium sententiarum in vnum
corpus cogere multitudinem potuit, ac
de his differere perquam eleganter. Pro-
inde & hoc mihi perspicuum fuit, vitæ in-
stitutiones in poematis, alijsque scriptu-
ris comprehensas, vtilissimas ab omnibus
iudicari, ac parum iucundæ illæ quidem
audiuntur. Accidit autem illis hoc, quod
morum præceptoribus: nam eos quidem
extollunt cuncti, sed ægrè illos accedunt,
potius eligentes commorari ijs, qui tota
errant via: nihil enim ab illis auertuntur.
Indicium præstant Hesiodi, Theognidis
ac Phocylidis poemata. Illos enim aiunt
optima ad bene viuendum instituta tra-
didisse mortalibus. Atqui dum hæc di-
cunt, eligunt magis applicare animum
aliorum insanijs, quàm illorum docu-
mentis. Præterea, si quis elegerit excel-
lentium poetarum (vt vocant) senten-
tias, quarum & ipsi maximè studiosi fue-
runt, haud dissimiliter cum illis agunt.
Iucundius enim Comœdias longè abie-
ctissimas, quàm ea, quæ artificiosè facta
sunt, audiunt. Sed quid opus est singulis
immorari? Nam si omnino velimus præ-
sentare naturas hominum, multos offen-
demus ex ipsis, qui cibis non oblectan-
tur saluberrimis, aut exercitijs honestis-

simis, rebusue gerendis præclarissimis,
disciplinis proinde plurimum vtilibus.
Verum contra, eas, quæ maximè obsunt
voluptates amplectantur: quum sibi ta-
men videantur patientes esse laborû, nec
quicquam verò quod deceat, agunt. Quo
nam modo igitur quis, dum hæc admo-
net, aut docet, vtilia commemorans, gra-
tus fuerit ijs, qui liuorem acuiunt, tam
in ea quæ dicuntur, quàm in præclaræ sa-
pientiæ professores, simplices illos iactân-
tes, ac prorsus demenres? Sic à veritate
rerum omnium lōgè aberrant, vt in pro-
prijs negocijs hallucinentur, non sine do-
lore sua recentendo: gaudent, si quando
de alijs loquantur. Adde, quod corpor-
is potius concupiscunt laborare valetu-
dine, quàm animo negocium facessere,
vt ea prospicerent; quæ maximè sint ne-
cessaria. Denique offendas eos, vbi in
vnum coierint, vicissim alios obiurgare,
aut sustinere conuicia, solos verè non ha-
bere rerum tuarum rationem, sed omni-
no consternatos. Dico eò autem hæc
non de omnibus, sed de his, qui obnoxij
sunt illis, quæ à me dicta sunt. Neminem
deinde præterit, eum, cui faciendum est
aliquid, aut scribendum, quo populo
gratificetur, nō vtilissimum ratione qua-
dam

dam exquirere, sed fabulis ac ridiculis
refertum: nam hæc cum audiunt, lati-
cia gestunt. Caterum videntes studia ac
concertationes, dolorem concipiunt.
Quapropter Homeri poësin, & primos
Tragœdiarum scriptores miris laudibus
effertunt: eo quod ingenium penitantes
hominum, vtraque hæc spectanda, figu-
ris vtilibus proponerent in poësi. Nam
Homerus ille certamina ac prælia semi-
deorum fabulosis poëmatib. complexus
est: ille verò fabulas certamine, & quasi
opere ostenderunt: vt non tam auditores
quàm spectatores nos redderent. His
igitur exemplis planè liquet, quod qui
auditores cupiunt oblectare, ab admo-
nitione ac consultatione abstineant ne-
cesse est, scribantque ea quibus videant
plebem potissimum gaudere. Hæc attri-
gi, compertum habens, te non vnum esse
ex vulgo. Quippe qui multorum es
princeps, nec ipse sentis cum populo, nec
verò diligentiam in rebus agendis, aut
sapientissimos quosq; mortalium volu-
ptate metiris: sed rerum vtilium actione
comprobas. Verum tamen posteaquam
de exercitijs animi dubitatum est, cum
alii circa philosophiam versarentur, &
eloquentiam, alij circa verborum digla-
diatio-

ditiones , alij circa ciuilem scientiam,
plerique ad alias quasdam disciplinas,
quò peritiores euadant , animum appli-
cant. Hoc tamen omnes simul confiten-
tur, oportere bene eruditam ex vnoquo-
que horum constare deliberationem,
qua rebus queas consulere. Omis-
sis igitur nunc disceptationibus, ad id conuer-
tamur, quod in confesso est, capi-
endo inde argumentum. Potissimum sane ad
tempus respiciendum iubent illos, qui
præbent consilia. At eos, qui non gene-
ratim de rebus omnibus dicere, aut co-
gnoscere ea , quæ decent, nequeunt,
planè explodunt. Perspicuum autem
est, quod quisquis inutilis est sibi, alium
non vnquam effecerit sapientem. Cæte-
rum, qui ingenio præstant, possuntque
videre ac sapere plus quàm alij , tales
plurimi facias, ac cole: compertum ha-
bens, consiliarium bonum, esse virum
vtilissimum , principibus ac bonis om-
nibus maxime dignum. Ita autem cre-
das eos tibi amplissimum facturos prin-
cipatum, qui ingenium ac mentem tuam
quàm plurimum frugi reddere queant.
Ego planè, quantum mihi rerum peri-
tia suppetit, admonui hoc ipso te co-
lens, quo possum. Tu verò aliorum ve-
lis

lis (sicut præfatus sum incipiens) non
afferri tibi dona , quæ vos pluris emi-
tis ab his, qui ea largiuntur, quàm ab
his, qui merces habent publicitus expo-
sitas. Verum talia exopta, quæ vehe-
menter sunt vtilia, & quæ nulla die in-
tercident, aut conterentur : quin
imò vsu longè ampliora ac
præstantiora ef-
feceris.

F I N I S.





L I P S I Æ

IMPRIMEBAT MICHAEL
LANTZENBERGER.


IMPENSIS VOEGELI-
NIANIS.


A N N O


M. DC.


2


1











Biblioteka Jagiellońska



stdr0029831

